

საქართველო



საპოლიტიკო, საეკონომიკო და სალიტერატურო ნახატებიანი გაზეთი გამოდის ქოველ კვირა დღეს.

№ 41 ოქტომბერი 10 1899 წ. № 41

შინაარსი: წოდებათა ისტორია საქართველოში აღ. სახანაშვილისა.—სხვა და-სხვა ამბები.—„კვალის“ გორესპონდენ-ციები.—კვრიდან კვირამდე — * * ლექსი კ. გოგოლაძისა.—ქალხის გულის შესაიდუმლე (შემდეგი) ივ. გომართელისა.—ბედ-ნიერება. (დასასრული) ელ. წერეთლისა.—პასუხათ ბ-ნ ნ. წერეთელს ერთი წევრთაგანისა. და კერძო განცხადება.

რედაქციის ადრესი: არსტილერიის ქუჩა № 5, იმის პირდაპირ, სადაც წინეთ რედაქცია იმყოფებოდა.

ქ. ქუთაისი.

ქ. ქ. ქ.

გაზრ. იოს. გოკიელი

მიიღებს ავთმოყვებს დილის 9—12 საათამდის, საღამოს 5—7 საათ. თფილისის ქუჩა ლევან ქუთოშვილის სახლი № 20 (3—3)

წოდებათა ისტორია საქართველოში.

თავად-ახანაურება.

II.



იღებულთა წამოყენების მიზეზს, როგორც მიხედებოდა მკითხველი, ვეძებთ ეკონომიურ გარემოების მოწყობაში. დიდულთ თავდაპირველათ შეჰქნა სამსახურმა კი არა მეფისადმი, არამედ ქონებამ, მოპავებულმა ისდით. ამიტომაც დიდებულთა მდიდარიც იყო და შემძლებელაც. დიდებულთა სათაფის

აღსანიშნელათ მკითხველს უნდა გავაცნოთ თუ როგორ გვაქვს წარმოდგენილი საქართველოს ისტორიის და საწყისი. ეკონომიური კენძი გვინდა გავიმძღვანოთ ჩვენი წარსულის გასათვალისწინებლათ. აღებმცემობის გაძლიერებამ მტკვარსა და რიონზე დაბადა მდიდართა წრე, შემდეგ დიდებულებათ გადაქცეული. აი ისტორიულნი საბუთნი და მოსახრებანიც ამ თეორიის დასამყარებლათ.

ბერძენთა კოლონიების ანუ ახალშენთა არსებობამ შავი ზღვის პირათ გამოიწვია საქართველოს ერში მათთან სავაჭრო კავშირით დაახლოება. ნიშნათ გაცხარებული ეკონომიური მისვლა-მოსვლისა ქართველთა და ბერძენთა შორის შეიძლება ვუჩვენოთ, გარდა ლევენდისა არგონავტთა მოსვლისა სამეგრელოში ოქროს მატყლოსანის გასატანათ, უმრავლესი საგანძური ჩვენში ბერძნულ-რომაელთ ფულები-სა. მისვლა-მოსვლა წარმოებდა ჩიონით და მტკვრით, იმ დროს მრავალწყლოვან მდინარეთ ცნობილით. პატარა მდინარენიც აგრეთვე ატარებდენ ნავებს და ეზიდებოდენ საქონელს შორეული ადგილებიდან გასაყიდათ. სტრაბონი მოწმობს, რომ ყვირილით და ცხენის წყლით ნავით სავალი იყო ციხე შორაპანდის (სარაპანა), სადაც შეიძლება მოთავსდესო მთე-

ლი ქალაქი. (20) შორაპნიდან მიდიოდა გზატყეცილი მტკვრამდე და ამ გვარათ მოტანილი შავი ზღვით საქონელი რიონით და ყვირილით ვრცელდებოდა მთელ აღმოსავლეთ საქართველოში.

კოლხიდელების ქსოვილი ძველთაგანვე განთქმულნი იყვენ და ვრცელდებოდენ შორეულ ქვეყნებში. სავაჭრო მოქმედებამ იძულებულ ჰყო ქართველი ერი გაეცნო აღებშიცემობის საზღვაო და სახმელეთო გზები და აღენიშნა იგინი რუკებზე. 21) რამდენათ აყვავებული იყო აღებშიცემობა ჩვენში საკმარისათ მოწმობს სტრაბონის სიტყვები, რომელიც ამბობს, რომ დიოსკურიაში 70 სხვა-და-სხვა ჩამომავლობის ერი იკრიბებოდა ყიდვა გაყიდვის მიზნით. რიონზე 120 ხიდი ყოფილა, რის ვაკეთებაც გამოწვეული იქნებოდა დიდი სავაჭრო მოძრაობით. საქართველოდან მიდიოდა უცხოეთში: ტყე, სელი, კანაფი, თაფლი, სანთელი, ფისი, ესე იგი ის ნივთები, რითიც საქართველოს ბუნება მდიდარი იყო. გარდა დიოსკურიისა შავი ზღვის პირათ ორი კიდევ დიდი მოვაჭრე ქალაქი მდებარეობდა: სპერი და ეა. ბერძენთა შემდგომ რომაელნი, საშუალო საუკუნოებში გერმანელები და ვენეციელები იჭერენ სავაჭრო კავშირს საქართველოსთან. ამაზე ადრე კავკასიას საერთოთ აქეს მისელა-მოსელა ასსურეთთან, საიდანაც გაერცვლებულა სასწორის ხმარება, 22) როგორც ამას თვალსაჩინოთ ამტკიცებს ერთგვარი სახელწოდება საწონისა ჩვენში და ასსურეთში. საქართველო გზავნიდა ამ ქვეყანაში გასაყიდათ მინებს და ლითონის ავეჯეულობას, 23) როგორც მოწმობს წინასწარმეტყველი ეზეკიელი; თუ მკითხველისთვისაც ექვს გარეშეა, რომ თობელი და მოსოხ ჩვენნი იმერნი და მესხნი არიან (ჩემი Древн. предѣлы разселенія грузинъ გვ. 1, 4). ფინიკიელებიც ყოფილან ჩვენში სპილენძის და კალის მადნების გასატანათ. ამათ

20) Страбонъ, географія, XI, 2, 7.
 21) Риттеръ, გვ. 51—56.
 22) Morgau, Mission scientifique au Caucase II, 278. შეადარე ქა. ცხოვრება, რომლის სიტყვით საურმაგი და მირვანი ემორჩილებოდენ ასსურელებს. I, 34—35.
 23) წინასწარმ. ეზეკიელი XXVII, 13. Lavan, Tubal and Meschec, they were thy merchants: they traded in thyfairs. მომყავს ინგლისურათ ეს ამონაწერი, რადგან ქართულში და სლავიანურში ეს ადგილი არ არის რიგაიანათ გადმოცემული: სრულებით გამოტოვებულია ერი მოსოხ და თობალა.

გაერცვლეს ჩვენში თაყვანის ცემა ასტარტასი (ბერძენთა აფროდიტა—ღმერთა სილამაზისა და სიყვარულისა) და ერაკლესი. ნივთები, რომელიც აღმოაჩინა კავკასიის სხვა-და-სხვა ადგილას არხეოლოგმა შანტრამა მოწმობენ ამ გაღმერთებული გმირის პატივის ცემას საქართველოშიაც. კულტის შემოტანა—ასტარტასი და ერაკლისა მოწმობს დიდისნის და შესამჩნევი მისელა-მოსელის გაელენას საქართველოზე სამხრეთიდან მდებარე სახელმწიფოებისა. 24)

რომაელებთან საქართველოს კავშირი მოჩანს იქედან, რომ თელავის მაზრაში აღმოჩნდა რომაელთა ფულები და სასაფლაო, რომლის მსგავსი მოიპოვებია იტალიაში. ესრედ წოდებული სარკოფაგი მაჩხაანში (თელავთან) წარმოადგენს თიხის კუბოს თავსახურავით, რომელსაც ჰქონია პატარა სანათური მიცვალებულთა ჩასასვენებლათ. ასე იმარხებოდენ რომაელები. 25) ზღვით მოგზაურობის გაერცვლებას საბერძნეთიდან მოწმობს თვით სიტყვა ნავი, წარმომდგარი ბერძნული (ναυ) და ლათინური navis-გან. გარდა ამ ჩამოთვლილი სახელმწიფოებისა, რომელთანაც ჰქონდა საქართველოს მისელა-მოსელა, უნდა აღენიშნოთ სავაჭრო გზა, რომელიც მიდიოდა იფრიაზე ბუხარა, სპარსეთ, ინდოეთ და ევროპაში. 26) კავკასიაზე გაიარა აუარებელმა ხალხმა აზიიდან ევროპაში დასასახლებლათ. ასეთმა გეოგრაფიულმა მდებარეობამ საქართველოსამ შეჰქმნა წოდება-მოვაჭრეთა და მეომართა.

უცხოეთიდან მოსული ვაჭარი ძველ დროში იყო იგივე მეკობრე: თუ საქონელს ვერ გაჰყიდა, ავაზაკობას მოჰყვებოდა. ამიტომ საქართველოში, რომელზედაც გზათ მიდიოდენ დაუდგარი მტერი მოვაჭრენი საჭირო შეიქმნა შუაგულ ადგილებშიაც ცხე-ქალაქების გაშენება და სამხედროთ მოწყობა. უკვე სტრაბონი აღნიშნავს მთელ წოდებას მხედართა, რომლის წინამძღვრათ იყო ამორჩეული პირი. მთელი ერი გაიყო სამ დასათ: ბატონებათ ანუ წინამძღვრებათ, მხედრებათ ანუ უბრალო ერაჲ და ყმებათ, რომელთაც ეკუთვნოდენ დავლათ დარჩენილი მტრები. ამ გვარათ პირველი წოდება პრივილეგიით აღჭურვილი, რომელსაც მიესაკუთრა უფლება უმაღლესი მმართველის, მსაჯულის და წინამძღოლისა 27) წამოყენებული იყო სავაჭრო და სამხედრო

24) Chantre Recherches antropologiques sur le Caucase II, 81—2.
 25) Памятники древности телавскаго уезда, стр. 13.
 26) Сбор. свид. о Кавказъ I, 35. Торговые пути сообщения въ древнемъ Закавказьи.
 27) Страбонъ, Географія, XI, 3, 6.

მოთხოვნების წყალობით. მდიდარი ვაჭარი გარს შემორტყმული მხედართა დასით პირველათ თავის ქონების დასაცველათ განდა წინამძღვრათ მტერთა- გან დასაცველათ იმ ჯგუფისაც, რომელიც მიეკედ- ლა მას გამაგრებულ ციხეში. მაშასადამე სავაჭრო გზაზე მდებარე საქართველომ წამოაყენა ჯერ ალებ- მიცემობის მტვირთველნი, შემდეგ ამ პირთა შორის გამდიდრებულნი ქონების და თავისუფლების დასა- ცველათ პატარ-პატარა საზოგადოების წინ წამოდგა წინამძღვარი, რომელმაც სავაჭრო მედიანი ²⁸⁾ ციხეთ გადააქცია, ძალა მოიკრიფა და უცხო ერისგან დაიცვა თავიც, ქონებაც და შეფარებული მასთან მსოფლიონიც. ასე გვაქვს წარმოდგენილი ეკონომი- ური სათავე საქართველოს ისტორიისა.

დაახლოვებით აღენიშნოთ პოლიტიკური სა- რულიც, რომელზედაც აღმოცენდა წოდებათა ისტო- რია. გაცხარებულ ალებ-მიცემობის დროს საქარ- თველოს თავზე წამოადგენ სხვა და სხვა მხრიდან აუარებელი მტრები; ხოზარნი, მთიელნი და აზიიდან დაძრული ხალხნი ერთმანეთზე მოკიდებულნი დაეს- ხენ კავკასიას. მტრებთან საბრძოლველათ საჭირო შეიქნა სავაჭრო ქალაქების გამაგრება და მეომართა რიცხვის გამრავლება. ქალაქები გადაიქცენ ციხეებათ მოაქაჩენი მხედრებათ. ამ პოლიტიკურმა გარემომე, ბამ შექქმნა სამეფო ძალა ფარნაევასისა, რომელიც ისტორიულ პირათ მიაჩნიათ იმათაც, ვინც ექვს თვალთ უყურებს უუძველეს ნაწილს „ქართლის ცხოვრებისას“. ფარნაევი — პირველი გმირია, რომე- ლიც დახსომებია მემატიაწეს შეძლება საერო გად- მოცემიდან. სახელი ფარნაევი უნდა წამომდგარ- იყო ფსევიდან ფაწი, ფაწნა და აღნიშნავდა კაცს, რომელმაც განდგენა შემოსეული მტერი (შეძლება აღექსანდრე მაკედონელის ჯარიც ყოფილიყო) და დამკვიდრა საქართველოში ცოტა თუ ბევრათ განწ- ყობილი წესი და რიგი. დამარცხებული და ცოცხ- ლათ დარჩენილი მტრის ჯარი ხედა დეღათ გამარ- ჯვებულს, რომლის მოწინამძღვრებმაც გაიყვეს და მონებათ დაასახელეს მამულებო. სავაჭრო პატარ-პა- ტარა საზოგადოებანი გადაიქცენ საბატონე მო მამუ- ლებათ.

ამგვარათ დასაწყისი ჩვენი ისტორიისა პოლიტი- კური გარემოებით აიხსნება. გარეშე მტერთა შემო- სევამ შეაერთა განცალკევებული ქართველთა თემნი რომელთა შორის სავაჭრო გზაზე მდებარეობის წყა

²⁸⁾ ინდოეთთან ვაჭრობა მტკიცდება სამთავროს სასაფლაოში აღმოჩენილი ნივთებით: *supra moneta, cadium rubinosum*. *Уварова*. Взгляд на Мцхет- ский могильникъ. Труды Москов. археол. общ. X, 18-24 г.

ლობით მოიპოვებოდნენ გამდიდრებულნი პირნი და მდიდარნი შემოიკრიბნენ უცხოთა გამდევნელის გარს და მას მიანიჭეს პირველი ადგილი დანარჩენ თემთა უფროსებს შორის. ფარნაევი იყო მცხეთის მამასა- ხლის-ის ჩამომავალი და როგორც უფროსი გვარის წარმომადგენელს შერჩა მტერთა გადგენის მოთავეს პირველი ადგილი ქართლში. მამულის უცხოთაგან განთავისუფლების ისტორიაში მემატიაწეს გვაუწყებს ბუნდ ცნობას შესაწებ მიუწოდებელი განძისა, ოქროისა და ვერცხლისა, ²⁹⁾ რომელიც ქებაში ჰპოვა ფარნა- ევამა, ჭაბუკმა გონიერმა ³⁰⁾ და მხედარმა. ეს დაფა- რული განძი შედეგი იყო საქართველოს სავაჭრო წარსულისა და მოწმობს, რომ შაშინობამ დაამალ- ენა ერს გამოქვაბულში ალებ-მიცემობით მოპოე- ბული ქონება.

მცხეთის მამასახლისის წინ წამოყენებაც მის ეკონომიურ და პოლიტიკურ მნიშვნელობაზე ³¹⁾ უნ- და იყოს დაფუძნებული. უუძველეს დროიდან მცხე- თაში ცხოვრობდნენ ებრაელები, რომელთაც ეკუთე- ნოდათ ერთი ნაწილი ქალაქისა—*მეგაკაა*. ებრაელებმა გააბეს ალებ-მიცემობის ქსელი მოსამზრვერ ხალხებთან. მტკვარი შეადგენდა იმ ძლიერ ძარღვს, რომელსაც მიჰქონდ-მოჰქონდა სავაჭრო ნივთები. მაშასადამე მცხეთა იყო ის გული ვაჭრობისა, სადაც იკრიფებო- და გასაგზავნი ქართლის ნაშრომი და საიდანაც ვრცელდებოდა ებრაელთა წყალობით სამზღვარ გა- რეთიდან მოტანილი საქონელი. ებრაელებმა ჩააბეს ქართველებიც ალებ-მიცემობაში. ერი მიაწყდა იმ ადგილს, სადაც ხედავდა საქონლის გასაყალს. ასეთი ადგილი იყო მცხეთა ³²⁾ მტკვრის პირას, სადაც უერთ- დება არაგვი, მთიულეთთა დამაკავშირებელი. მცხე-

²⁹⁾ მთიულეთთანაც რომ ჰქონდათ ბჭძოლას ბეჭმ- ნებს და ქართველებს საერო ინტერესის (ვაჭრობის) და- საცველათ ამას მოწმობს „ქართ ცხოვრება“. შეადრე *Vivien Saint Martin, Recherches sur les popu- lations primitives. du Caucase, 53, 54, 72.*

³⁰⁾ „ქართლის ცხოვრება“ გვ. 29.

³¹⁾ მცხეთის (სამთავროს) ძველი მიწველებულების გახსნამ დააწმუნა ბუკნი, რომ ეს მიწველებულნი ქართველთ მოდგმისა არ უნდა იყოს. *Байернз. Мцхет- ский могильникъ.*

³²⁾ შეძვეკ ვაიზის და მოვაჭრე ქალაქი თფილისი. მე-VI საუგ. სომხის ისტორიკოსი უსტანესი ამბობს, რომ იგი დიდი, მშენიერათ გაშენებული ქალაქიაო. *Урманцевъ Лѣтописи ч. IV, 18. Ст. Исторія агванъ М. Каганкаловацц пер. Патканова 187—109 хозары осадили портовый славный ильѣженный и великій городъ Тифлисъ.*

თის მმართველს, რასაკვირველია, მეტი შეძლება და ქონება მოეპოვებოდა, ვიდრე მტკერის ნაპარებიდან განშორებულ მამასახლისებს, მცხეთელს შეეძლო დაეკეტა ციხის კარები და არავინ გაეტარებია ნეთსადგურამდის, მაშასადამე მოესპო ყიდვის და გაყიდვის საშუალება. ასეთმა გეოგრაფიულმა მდებარეობამ შეძლენა მას მეტი ქონება (საბაჟო გადასახადი) და ქონებაზე დამყარებული ძალა და გავლენა დანარჩენებზე. როცა გარემოებამ მოითხოვა ქართლის ერის შეერთება და მტრისგან განთავსუფლება, მაშინ ეს საქმე იტვირთა იმ პირმა, რომელსაც იცნობდა მთელი ერი. მცხეთელის დროშას ამოუდგენ დანარჩენნი მამასახლისნიც, ანუ გამგენი თემებისა და საერთო ძალ-ღონით გადვენეს მტერი. მცხეთის მამასახლისის ჩამომავალს ეკონომიურ მნაშენელობასთან დაერთო პოლიტიკურა გავლენაც. აქამდის იგი იყო წარმომადგენელი საეპარო დედაკულისა, ახლა იგი გახდა ხალხის თვალში გმირათაც—დამხსნელათ უცხოთა ბატონობისაგან.

მეფობის განმტკიცება ადვილი არ იყო ფარნაეზისთვის, იგი იძულებული იყო შეეწყინარა გაყოფათვის სამეფოსი ათ საერისთაოთ. ³³⁾ პირველ მეფეს არ შეეძლო ძალდატანებით მოესპო თავისუფლება კერძო ნაწილებისა, რომელთაც მანამდის განაგებდენ მამასახლისები—თემების უფროსნი. ეს თვითნებობითი განაწილება კი არ იყო, არამედ იძულებული შეწყინარება ძველი წესწყობილებისა, იმ განსხვავებით, რომ მამასახლისებს დაერქვათ ერისთავები. თუ ღვაწლით შემოსილ ფარნაეზს შეეძლო დაემყარებინა დროებითი თავის გავლენა დანარჩენ ერისთავებზე, ესევე ვერ შეძლეს იმის შემკვიდრებმა: უკვე საურმაგის დროს „ერისთავნი“ აღდგენ და განიზრახეს: „მოვეკლათ ჩუენ საურმაგ და ვიყუენთ თავისუფალ, ვითარცა ვიყუენით პირველ“. შემატანეს სიტყვებს უმატებს ბატონიშვილი დავით და ამბობს, რომ განზრახვა ჰქონდათ მამასახლისების აღდგენაცაო. ³⁴⁾ ამდენათ სუსტი იყო მეფის ძალა და შემძლებლები იყვენ ერისთავნი, რომ მეოთხე მეფე ფარნაეზომი განდევნეს საქართველოდან. ერთი სიტყვით მეფე იძულებული იყო, რადგან არ შეეძლო იმ დროს, როცა მუდმივი ჯარი არ ჰქაედა და

არც ზეზბი იყვენ გატანილნი, შეეწყინარა მამასახლისების უფლება იმ განსხვავებით, რომ მათ დაერქვათ ერისთავები და ინიშნებოდენ მეფეს აღმორჩევით.

ამ გეარათ მამასახლისი, რომელიც იღვა თემის მოთაგეთ იმიტომ, რომ მას შესწევდა მატერიალურა ძალა და ზნეობრივი გავლენა, ვადიქცა ხალხის ამორჩეული მამასახლისისაგან მეფის მიერ დანიშნულ მოხელეთ—ერისთავთ. ძველათ დიდებული შეძლებით და გავლენით ახლა შეიქმნა იგი დადებულათ მეფის წყალობითაც. ერისთავთა გახდა მოხელეობა და მხოლოთ შემდეგ გახდა გვარის სახელწოდებათ. როცა ერისთავთა გვარი დაჰქარგა, მაშინ შთაქომავლობას ვადეცა მხოლოთ მამა-პაპათა ღირსების სახელი და დაჰფარეს დადიანებმა, გურიელებმა, ქსნის და არაგვის ერისთავებმა მათ წინაპართა გვარი კახაბერთა, ჩიქოანთა, ბიბილურთა, სიღომონთა და სხვ. ამ ერისთავთა ჩამომავალნი ქამთა განმავლობით დარჩენილნი, თუ შეიძლება ასე ითქვას, უსამწყსოთ ანუ უადგილოთ სახელმწიფოს მეხანიზმის მართვაში, გახდენ თავებათ ანუ თავადებათ უფროთ.

გიორგი მეფის დადგინებით ერისთავის მკვლელი მძიმე დამნაშავეა და გარდახდევინება დარბაზით ეკითხოს. ერისთავი უმაღლესი გამგეა თემისა და არც ერთხელ არ იხსენიება იმის კანონებში ერისთავი, როგორც წარმომადგენელი თავადთა წოდებისა. თემის გამგებლათ ინიშნებიან პირნი აზნაურთა და მსახურთაგანი. ³⁵⁾ არამც თუ გიორგიმ, აღბულამაც კი არ იცის ჯერ სიტყვა „თავადი“, იგი ხმარობს წოდების აღსანიშნელათ დიდებულს, აზნაურს, მსახურს და გლეხს. ³⁶⁾ ვახტანგის კანონები უკვე უჩვენებენ ტერმინს თავადს სამ ხარისხათ ცნობილს. პირველ ხარისხოვანი თავადი წოდებულია დიდებულ „თავად“. ამ დიდებულებს ეკუთვნიან ისინი, ვისაც შერჩათ მზრების ერისთავობა: არაგვისა და ქსნისა ანუ სარდლობა: ირბელიანს, ამილახორს და ციციშვილს. ამათ ემატებოდა მეექვსე გვარი სომხეთის მელოქიშვილისა. უფროსი ამ გვარებში, როგორც წარმომადგენელი მმართველობისა, იყო პირველი ხარისხის თავადი ანუ დიდებული. ამათი შვილები და ნათესავები კი ეკუთვნოდენ მეორე ხარისხის თავადებს. და-

³³⁾ ასე ფიქრობს ბატონიშვილი თეიმურაზი (ისტორია) გვ. 115 „ქსნ. ცხ.“ სიტყვით რვა საერისთაოთ. (გვ. 31).

³⁴⁾ „ქსნ. ცხ.“ გვ. 34—35. *Ст. Давидъ царевича груз. Исторія грузіи* გვ. 15. „Грузины, огорченные Саурбагомъ хотѣли свергнуть его съ престола и возстановить паки у себя мамасахлисовъ“.

³⁵⁾ გიორგი მეფის კანონები § 2, 3. მამასახლისის მოკვლეობა თეიმურაზ ბატონიშვილის სიტყვით იყო სხასჷტობა, გამკეობა და საჩკის მიღება „ქვეყნისაგან საერისთოთა თვისთა“ მეფესთან მისართმეკათ. „ისტორია“ 11) გვ. უკნ. ა) ერისთავის მოკვლეობაც ეს იყო. მაშასადამე სახელი შეეცვალა მამასახლისის და მინახსი მოკვლეობისა შექნა იგივე.


³⁶⁾ აღბულა § 2—11.

ნარჩენნი თავადნი რიცხვით 50, მოხსენებულნი ერა-
კლეს ტრაქტატში ეკატერინე მეორესთან, შეადგენ-
დენ მესამე ხარისხის თავადობას. დიდებული თავადი
იქამდის იყო დიდებული, ვიდრე თავის მამულს გა-
ყოფდა და ამ მიზეზით შეამცირებდა თავის ქონებითი
და ზნეობითი ძალას. გაჰყო თუ არა მამული, პარ-
ველ ხარისხიანი თავადი ჩამოცურდებოდა მეორე
ხარისხზე და მისი ნათესავ შვილები ჩაირიცხებოდნენ
მესამე ხარისხში. „გაუყრელ და ერთი თავი“, ეხ-
ტანგ მეფის სიტყვით, დიდებული თავადი რჩებოდა
მხოლოდ დიდებულათ. „ამათ გარდა უმატებს ეხ-
ტანგი, ამათსავე სახლის კაცებს ამათთან სისხლი არა
„ქონდათ“. 37) სისხლის ფასი დიდებულ თავადს ჰქო-
ნდა 1536 თუმანი. შუა თავადს ამის ნახევარი სისხ-
ლის ფასი დაეურვოდა და მესამე თავადს ნახევარი
მეორე თავადისა. 38) მეფის მოხელეს, უმატებს ეხტა-
ნგი, სისხლი დიდებულთანაც სდისა—გვარობის სისხლს
გარეთად სახელის სახსლოც ზედ დაურთონ“. 39) ეს
კანონი მეფისა აძლედა ფართო გზას მოხელეთა გა-
დასულიყვენ უმაღლეს არისტოკრატიაში — დიდ-
ბულთ რიცხვში. მეფის სამსახურში შეჰქმნა მეორე
ჯგუფი დიდებულთ და საერთოთ თავად აზნაურთ: ეს
ჯგუფი იყო ნამსახურობითი წოდება (служилое со-
словие), ხოლო ჯგუფი პირთა, რომელთაც პრივილე-
გია ეკუთვნოდათ წინაპართა ღვაწლით — შეადგენდა
ჩამომავლობითი არისტოკრატიას. (родовая аристокра-
тия).



ა. სახანაშვილი.

(შეძღები იქნება)



სხვა-და-სხვა ამბავი.

ინგლისსა და ტრანსვალს შუა მოლაპარაკება, სა-
უბედუროთ, ვერ გათავდა მშვიდობიანობით. ისევ
იარაღმა გაგვასწოროსო, დაიძახა პატარა ტრანსვალმა
და ინგლისმაც თავისი ჯარი რესპუბლიკის საზღვრე-
ბზე მიაყენა. ჯერ-ჯერობით რამდენიმე წერილი შე-
ტაკება მოხდა. ბურებს ბედი უღიმის, მაგრამ ხანგრ-
ძლივი იქნება კი ეს ფორტუნის მფარველობა? ორი-
ვე მხარე დიდ მზადებაშია—დღე დღეზე სერიოზულ
შეტაკებას მოელიან.

ტრანსვალის რესპუბლიკამ აუარებელ სხვა და
სხვა იარაღი გამოეწერა გერმანია — საფრანგეთადან.

37) „ეხტანგის კანონები“ §§ 35. შეად. *Акты Кавказ. архел. ком.* т. VI, ч. I; გვ. 118—119.

38) „ეხტანგის კანონები“ §§ 26, 27, 28.

39) იხ § 38.

ინგლისის ჯარის მთავარ-სარდალმა ბულდერმა
წასვლის დროს განაცხადა: ნამდვილ ბრძოლას იქა-
მდი არ დაეწყებ, სანამ 75,000 ჯარის კაცი არ მე-
ყოლებოა.

ომის დაწყებამ იძულებულ ჰყო მადნის მუშები
მიეტოვებიათ მუშაობა. ათასობით ტოვებენ ისინი
ტრანსვალს და მიემგზავრებიან ინგლისისაკენ. საინტე-
რესოა იმათი აზრი ამ ომის შესახებ. მთელი ეს ომი
ხელოვნურათ არის გამოწვეულიო, — ამბობენ მუშები;
ჩვენ გვარძლებენ მოვითხოვოთ ის უფლებები, რომ-
ლებიც ჩვენთვის სრულიად საჭირო არ არის; ჩვენ
მუშა ხალხი ვართ, ტრანსვალში სამუშაოთ წამო-
ვედით და ფულსაც ვშოულობდით. სისხლი დაიღე-
რება არა ჩვენთვის, არამედ მსხვილ კაპიტალისტები-
სათვის, რომელთაც მთელი ტრანსვალის ჩაგდება
სურთ ხელშიო.


როგორც გაზეთ „კეკაზს“ შეუტყვია მიწათ-მო-
ქმედებისა და სახელმწიფო ქონებათა მინისტრს ერ-
მოლოვს დაახლოებით გაუცენია ბაქოს ნავთის მუშა-
თა გაჭირებული მდგომარეობა და საჭიროთ დაუნა-
ხავს დაარსდეს მუშათათვის განსაკუთრებული საცხო-
ვრებელი ადგილები, ჰიგენის მხრით კარგათ მოწ-
ყობილი.

თვალისის ცხენის რკინის გზის კონცესიის აღე-
ბის მსურველნი არიან შემდეგნი: 1) „ველიოსის“
საზოგადოება, რომელსაც გამგეობა კელში აქვს 2)
პეტერბურგის საზოგადოება „უნიონი“, 3) ძმ ბურჟ-
უები პარიჟიდან 4) ი. ი. პოლტარაკო და 5) „დიუ-
რანის“ ფირმა პარიჟიდან. ყველა ამათ, რასაკვირველია
სულ სხვა და სხვა პირობები წაშლია დაგანეს, ამიტომ
გამგეობამ ამ პირობების განხილვა და საკოში მო-
ხსენების წარდგენა მიანდო თავ. ე ჩერქეზიშვილს.

როგორც ისმას თვლისში მალე გაშარტება
ადრესების საცნობო, ისე როგორც რუსეთის დიდ
ქალაქებშია.

ყარსის რკინის გზის დამთავრება გზათა მინის-
ტრმა თ. მ. ი. ხილკოვმა ბ. ვედენევეს მიანდო. რაც
ამ საქმისთვის ბ. ვედენევეს ფული დაჭირდება, ხაზი-
ნიდან უნდა მიეცეს ახლად. („ცნ. ფურ“.)

როგორც ვიცით თვლისის თავად-აზნაურობამ
არ მიიღო თ. ზ. გ. ერისთვისაგან ოძისის მამული,
რომელიც მან სამეურნეო სკოლის დასაარსებლათ
შესწირა ჩვენს ღაზბ თავად-აზნაურობას. თავადმა ეს
მამული სახელმწიფოს გადასცა, და სწორეთ ამ აღ-



გილის დასათვლიერებლათ 4 ამ თვეს ოძისში წაბრ-
 დანდა სამეურნეო და მიწათ მოქმედების მინისტრი
 ა. ს. ერმოლოვი, რომელმაც დიდათ მოიწონა მამული
 სამეურნეო სკოლის გასახსნელათ და გამოსაცდელ
 სამეურნეო სადგურის დასაარსებლათ.

30 სექტემბერს „თფილისის ცხენის რკინის გზის
 უსახელო საზოგადოების“ წარმომადგენელმა ბ. რო-
 ბიმ ოლქის სასამართლოში ქალაქზე საჩივარი შეი-
 ტანა. რობი საჩივარში აცხადებს, რომ უსახელო სა-
 ზოგადოებას კონცესია თავისათ მიაჩნია კიდევ 31
 წლის განმავლობაში და ამიტომ თხოულობს, რომ
 ოლქის სასამართლომ უკანონოთ იცნოს თფილისის
 ქალაქის გამგეობის მიერ გაზეთებში დაბეჭდილი გან-
 ცხადება კონცესიის აღების მსურველთა კონკურსის
 შესახებ და შეაჩეროს საჯარო ვაჭრობა. ოლქის სა-
 სამართლომ ბ. რობის თხოვნა არ შეიწყნარა.

ამა წლის 17 სექტემბერს კავკასიის ფარმაცევ-
 ტთა კრებამ თავის დელეგატთ მოსკოვში სრულიად
 რუსეთის ფარმაცევტთა კრებაზე დასასწრებათ აი-
 რჩია პროვიზორი ილია ალხაზიშვილი.

როგორც ისმის, განზრახვა აქვთ, რომ პირდაპირი
 მიმოსვლა თფილისსა და მოსკოვს შუა ბაქო-დერ-
 ბენტ-პეტროვსკის გზაზე გამართონ ნოემბრის გასულს,
 ან დეკემბერში.

დიდი ხნის პროექტი ტელეფონის მართულით
 პარიჟის და ბერლინის შეერთებასა, როგორც „საე-
 ტრო-სამრეწველო“ გაზეთი იუწყება, მალე განხორ-
 ცეულდება. ორივე მხრიდან დაუწყიათ კიდევ მუშა-
 ობა. პირობის ძალით თითოეული მხარე მოვალეა
 გააბას ტელეფონის მართული თავის ტერიტორიაზე.
 მთელი სიგძე ტელეფონის მართულისა უდრის 1,100
 კილომეტრს. მუშაობა დასრულდება მომავალი წლის
 აპრილამდე, შეიძლება უფრო ადრეც, ასე რომ პა-
 რიჟის გამოფენაზე დამსწრეთ შეიძლება ექნებათ ისარ-
 გებლონ ამ ტელეფონით.

თსუჯკეთიდან გგწერს, რომ გურიის საეპრო-
 სამრეწველო ამხანაგობის „შუამავლის“ წარმომადგე-
 ნელთა კრებამ მოლაჩეთ აირჩია დ. შავიშვილი და
 გამგეს თანაშემწეთ გ. მარგალიტაძე.

ამდგუბიდან იწერებინ, რომ იქ ამ დღეებში ერთი
 უბედურება დატრიალდა: იქაურმა მცხოვრებმა ყ.
 დოლიძემ მოკლა თავისი მამა ფ. დოლიძე. მიზეზი
 მკვლელობისა სულ უბრალო იყო: მამა — შეიღს რა-

ლაც ლაპარაკი მოუყიდათ. მამა დასაკრავთ მიიწია;
 შეიღმა იქვე მდგომ მაყურებელს ხელიდან ცული
 გამოსტაცა და მამას თავში დაკრა. საბრალო 60
 წლის მოხუცმა იქვე სული დალია.

„აკვალის“ კორესპონდენციები.

ბათომი. ბიბლიოთეკის საქმე თანდათან წინ მი-
 დის; მიდის წინ არა კუს ნაბიჯით, როგორც ამ
 დრომდის იყო, არამედ ისეთი სისწრაფით, რომ ბიბ-
 ლიოთეკას მოკლებული ბათომი მალე ბიბლიოთე-
 კას იხილავს. გასულ კვირას მოიწიეს ქართული
 სკოლის დარბაზში საზოგადოება და უნდა ეთქვათ,
 რომ ამ კრებამ ცხადთ დაგვანახა საზოგადოების
 სურვილი ამ კეთილი საქმის შესახებ.

კრებაზე თავმჯდომარეობდა ქ-ნი ნინო ქიქო-
 ძისა, რომელიც ბიბლიოთეკის დამფუძნებლათ ითვ-
 ლებოდა. კრებაზე წევრებათ 105 ჩაეწერა, რომელ-
 თა შორის ექვსი პატივცემული პირი ბიბლიოთე-
 კის საპატიო წევრათ ჩაეწერა და ოც და ხუთ-ხუთი
 მანეთი შამიიტანა. ეს პირებია: ქ-ნი პელაგია
 ლომინაძისა, ბ. ბ. გრ. ვოლსკი, ზია ბეგ აბაშიძე,
 ექთიმე ბერძენიშვილი, ყარამან ბერძენიშვილი და
 გიორგი თოიძე. კრებამ ამოიჩინა ბიბლიოთეკის
 მზრუნველათ ქ-ნი ნინო ქიქოძე და საბჭოს წევრე-
 ბათ ქ-ნი ეფ. სამაყვისა, ანა სოლორაშვილი, ბ. ბ.
 ფ. მგელაძე, კ. ჩხეიძე, ნ. ცეცხლაძე, ნ. გაბუნია
 და გ. ტუსკია. სრული იმედი გვაქვს ეს პირები ისე
 დააკვირვინებენ ბიბლიოთეკის საქმეს, როგორც
 სასურველია, გამოიჩინენ ისეთ მხნეობას, რომ საზო-
 გადოებას იმედს არ „გაუცრუებენ“ და დაუმტკიცე-
 ბენ იმ პირებს, რომლებიც ბიბლიოთეკის გახსნის
 შესახებ გაიძახოდნენ: საზოგადოებას ვერ შევაწუხებთ,
 თავს ვერ მივაბეზრებთ და სხვ. ამ გვარებს, რომ
 ბათომელი საზოგადოება ერთი ბიბლიოთეკისათვის
 ჯერ არ ეცმება და სინარულით გამოიღებს თავის
 წელილს კეთილი საქმისათვის, ოლონდ საჭიროა
 შრომა და შრომა, მრავალ-სიტყვაობა კი განზე და
 პირველ საქმეთ ბეჯითი შრომა, მუყაითობა და საქ-
 მის რიგიანათ გაძლოდა.

ახლა მოგვლაპარაკებთ 27 ამ თვეს მომხდარ
 ბათომის ქალაქის საბჭოს კრებაზე. თავმჯდომარეობ-
 და ქალაქის თავი ბ-ნი ასათიანი, სხვა მხრივ კითხ-
 ვებთა შორის, სამი უფრო საყურადღებოა და ჩვენც
 ამ კითხვებზე მოგახსენებთ. პირველათ წაკითხულ
 იქნა თერთ მართველობის მოხსენება ქუთაისის სა-
 გუბერნიო საქალაქო საქმეთა საკრებულოს გადაწ-
 ყვეტილების ბათომის გიმნაზიის შენობის შესახებ
 სენატში განსახიერებლათ. ქალაქის საბჭომ ხმოსა-

ნი ნ. ლუმბაძის მოხსენების თანახმად ამა წლის 17 მაისს დაადგინა, რომ გიმნაზიის შენობა აშენდეს უპანსიონოთ და გიმნაზიაში მოსამსახურე პართა უსადგომოთ. ეს გადაწყვეტილება საქალაქო საქმეთა საკრებულომ უკანონოთ იცნო. ამ უკანონობის დასამტკიცებლათ საკრებულოს ბევრი თავისი საბუთები მოჰყავს და მათ შორის ყველაზე უფრო მაგარ საბუთათ ის მიაჩნია, რომ 97 წელში გიმნაზიის დირექტორს ქალაქის თავს და სხვა პარებს რჩევა ჰქონებიათ, რომელზედაც დაუდგენიათ პანსიონისა და გიმნაზიაში მოსამსახურე პართათვის შენობის აგება. მიანდევს ქალაქის თავს, რომ მან საკრებულოს გადაწყვეტილებაზე საჩივარი შეიტანოს სენატში.

შეორე კითხვა უქმე დღეებში მალაზიების დაკეტის შესახებ იყო. მოგვხსენებათ რომ აქაურმა საბჭომ დაადგინა: კვირა-უქმე დღეებში მალაზიები დაიკეტოს და მით საშვალემა მიეცეს შიგ მოსამსახურე პირებს შესვენებისაო. ეს გადაწყვეტილებაც საკრებულოს უკანონოთ უცენია და ამ უკანონობის საბუთათ კი ქალაქთა დებულების ერთი მუხლი მოჰყავს, სადაც პარდაპირ არის ნათქვამი, რომ ქალაქის საბჭოს ნება არა აქვს მთელი დღეობით მალაზიების დაკეტისა, მას შეუძლია მხოლოდ განსაზღვროს საათობით კვირა-უქმე დღეებში ვაჭრობაო. მართალი უნდა ვთქვათ ხმოსნების უმრავლესობა მეტათ მონდომებული იყვენ, რომ მათი გადაწყვეტილება გასულიყო. საბჭომ დაადგინა: დეტოვოთ განუსაზღვრებლათ საკრებულოს გადაწყვეტილებაო და კვირა-უქმე დღეებში მალაზიები 12 საათიდან 2 საათამდე ღია უნდა დარჩეს.

ბათომის პოლიცემისტერი თხოვდა საბჭოს, რომ „გოროდოვებისთვის“ ჯამაგირი მოემატებინათ: ისეთი მცირე სასყიდელი ეძლევათ „გოროდოვებს“, (უფროსებს 20 მან. უმცროსებს 16 მ.), რომ არაენ არ თანხმდება ამ სამსახურში დადგომაზე და ვინც არიან გამოუტყდელი და უფარგისნი, რომლებიც ერთი, ორი თვეობით რჩებიან და მერე მირბიან სამსახურიდანო. ასეთი შინაარსის იყო პოლიცემისტრის მოხსენება. თურმე ნუ იტყვიან და ყოველ წლობით ბათომს პოლიციის შენაზეა 60 ათასი მანეთი უზის. მაშინ, როცა სხვა ქალაქები პოლიციისათვის იმდენს არ ხარჯავს, რამდენსაც ხაზინა, ბათომს კი მთლათ ჰყავს კისერზე ჩამოკიდებული პოლიცია. სულ რომ უმატოთ ჯამაგირი პოლიციელებს, ჩვენი შემოსაყალი სულ პოლიციას მოუნდებაო, და ბ-ნ პოლიცემისტრის მოხსენებას უარე მოახსენეს.

X.

დ. ზესტაფონი. 18 სექტემბერს მოხდა აქაური სამკითხველოს წევრთა კრება. ივნისიდან ეს მეხუთე

კრებაა. კრებას დაესწრო სულ 13 კაცი: გამგეობის ორი წევრი ს. ელიაშვილი და ვ. ჩხაიძე ორი „ნიეტრალი“, რვა „პარტიელნი“ და ერთიც გარეშე პირი. ეს ძლიერ საშუხარო მოვლენაა, რადგანაც ერთხელ და სამუდამოთ დამტკიცდა ზესტაფონელთა გულ-გრილობა სამკითხველოსადმი. სამასი მანეთი ვალი არისო გაიძახოდა ერთი „პარტია“, და 87 მანათი-კი აღმოჩნდა; ამათში 40 მანათი უნდა მიეცეს მინა გაჩეჩილაძეს, რომელიც თებერვლიდან ძეწიგნთ საცავეთ ითვლება. დაარსების დღეიდან იმ თვის დამლევამდე გამგეობას წიგნთსაცავე დაუხარჯავს 288 მანეთი 66 კაპეიკი; ამათში საწევრო ფულათ შამოსულა მხოლოთ 102 მანათი (64 მ. შარშან, 38 მან. წელს) დანარჩენი შემოწირულებაა და წარმოდგენიდან დანარჩენი. (წელს საწევრო ფული კიდევ უნდა შემოვიდეს, რადგანაც წელიწადი ივნისიდან იწყება).

ანგარიში თავიდან ბოლომდე სწორე ყოფილა, მარა საქმე ეს კი არ არის; საქმე „კენჭობია“ ყოფილა! ბ-ნ ვ. ჩხაიძემ 11 სექტემბერს განაცხადა: გამგეობის წევრობა არა მსურს და გთხოვთ სხვა აირჩიოთო. „პარტიას“ მოუკრავს ამისთვის ყური, გამოცხადდა რვა „დაჩიჩქინებული“ ბიჭი და დაცლილ ადგილებზე აირჩიეს: ვანო არდიშვილი და ილია მალლაკელიძე. როცა „ნიეტრალემა“ და ვ. ჩხაიძემ თქვეს: საშუალემა მოეძებნოთ, მკვიდრნი არ თანაგვიგრძობენ, და სხვა რაიმე ვცადოთ წიგნთსაცავის სიცოცხლისთვისო, „პარტიამ“ იყვირა: „ეს რა სათქმელია, ახალი გამგეობა ავირჩიოთ და საშუალემას ისინი გამოძებნიანო“. თურმე საქმე „კენჭობია“ ზე იყო მიმდგარი და სწორეთ ეს არის: „კარგი რამ გპირდეს გიკვირდეს, ავი რა საკვირველიაო“.

ს. ლაშქელი.

კვირიდან კვირამდე

Точное исполнение буквы закона. — შენი ფუელით სხვას ჰუნსია. — გიჟი ვინ აწი თავს გაიმოფლტავს. — სიმაჭთღის თქმა ძნელი საქმეა. — ქადაღდი ყველაფერს იტანს, ადამიანი კი აწა. — წობის საჩივარნი. — ზოგეჭთების პრეტენზია.


ზაისმა თუ არა თუილისის სადგურზე თავ-ზარ დამცემი ამბავი სოღანლულში მომხდარ უბედურებისა, შემთხვევით სადგურზე მყოფმა ექიმმა ბ. ოსტრ-ესკიმ სურვილი გამოაცხადა დაშვებულთა დახსარებისა და სოღანლულისაკენ მიმავალ რკინის გზის მოსამსახურეთა ვაგონში ჩაჯდომა მოინდომა, მაგრამ წარმოიღვინეთ მისი განცვიფრება; როცა რკინის გზის ექიმმა ბ. როზანოვმა თავ-ლომწონებით აუხსნა, რომ რკინის გზაზე დაშვებულთა მოვლის უფლება მხოლოთ რკი-

ნის გზის ექვსს აქვს და არა ერთს-სა და თორავ
ვგონიდან ჩამობრძანება: თურმე ნუ იტყვი, მამა-
კვლევის მობრუნებასაც კახეთში^{სადა} ნანლობა დასა-
ხირებულ დაშავებულთა მგელის მინკა-^{და}ცა^{სა} ერ-
ფილთ ამაზე უფრო განირჩევიდა კიდევ: "გეძღვე-
ბა! აი, ბუკუელიაზას ბუკო იტყვიან, სწორედ"ეს
არის.

ამაზე უფრო დიდი კურჩოზი^{სადა} კაცების რედაქ-
ციის მოუვიდა: მან ვარსის რკინის გზის ავალი-^{სადა}
ლის გამოსარკვევით ერთი თვისის^{სადა} თანამშრომელი
გავხარა, მინდობილმა მშენებრთა რედაქცი-^{სადა}
ბული, მხოლოდ რედაქციამ თავისი თანამშრომლის
წერილობითი შენიშვნა ამ საქმის შესახებ გზის გან-
ცემა ინგინერ გურცილის ვადასცა (არა რედაქტირებისა)
გურცილიც გულუბრყვილო კაცი არ გამადა და ..
რაც თავის შესახებ მიწესები ნახა, პლიუსებათ გა-
დასწორა. მარა, გვიც ვინ არის თავს ვაპოულტებს.

არც ელადიმერ კანდელია^{სადა} გამოადა გულუბრ-
ყვილო უმარელი. ამას წინათ ქეთათურმა კორნს-
პონდენტმა თავისი სიტყვების სიმართლის დასამტყ-
ებლათ ელადიმერ კანდელია დასახელა. ჩვენც
მხოლოდმუნადა მოველოდით თუ რას დამაწუხდა
ბ. კანდელია, მაგრამ ელადიმერს კაცათ ჰქონია
შეგნებული ქართული არდახა: მართლის მოქმედს
ცხენი შეკხეული უნდა ჰყავდესო და ან რა დღე-
დარბაზს ცხელა?... ისევ ცხენის შეუცქამლობა არ-
ჩია და სიტყვაც ბანზე ავლია: ჯერ მითხარი ენა
ხარ შენ რა მეთხები, და მერე მეც ვთქვიერ
ეთქვა მართალი თუ არაო, ესე იგი, თუ შენ ბ. თე-
დორიძეზე უფრო დიდი ბობიადა ხარ, შენ მოგე-
ხრობი, თუ არა და ნიკოსაო, ლაღლი ვალდილი ამა
რასა ჰვარს ესა?^{...}

ბ. კანდელიას რაც მოუვიდა სიმათლს უნდა
მიუფეროს, სულ სხვაა "ქერი. ბილ" რადიკალიზ-
მის სიმათლის ეტრადი შეწამებს პირიქით ის იმ-
დნათ მამაკაცთა, რომ რა გინდ სისულელე მოუფიქრო
თავში, რა გინდ საზიზღარი აზრი დებდაოს, თან-
მათ და გულდღეობა წამობიგის. მაკალითობისა საქ-
მართლის ვითარებზე 221 № მის საგუჟარა ვაჭრობისა,
სადა დიდი რიბით ამტკიცებს, რომ გურულები
ჩინოვათ ლაპარაკობენო! არა გუჯრათ ჰო შენ და
ჩვენა დღემოში ქართული კი არ იციათ, და რა
ვიცი, არ კიდევ, ნაუც მსაჯულთა შემოღობა იქ
შეიძლება, სადა მხოლოდ და მხოლოდ ერთ ენაზე



ბობიადა და თეოდორიძე

როლაპარაკევი არიან, უწარღეს-^{სადა}ღმეტყობაზე ლა-
პარაკე მეთია. როგორ მოგონათ ბ. პაპის ფი-
ლოსოფიამ არათ დაჭირა და ბ. რედუტორის ასე-
თი ხელის ხელ საგუჟარე მარკალტგების ამოლა-
გება^{სადა} მხოლოდ იმითომ, რომ ს წინააღმდეგეთ
ჩვენში ნაუც მსაჯულთა შემოღობისა. წერის რა,
ქაღალდი ყველაფერს იტანს.

მხოლოდ ადამიანი^{სადა} კაცივედღესი რაღი აი-
ტანს უსამართლობას, და არც ქუთისში მცხოვრებმა
ბ. ანანოვმა მოახარა ქვეი უსამართლობას, წინაშე
იმერეთის დედა ქალაქის გამგებამს ერთსა და იმავე

სავანზე ორჯერ^{სადა} გაუხადენიგობა^{სადა} უნანოვისთვის
ოცად^{სადა} და სამი თმანა, მხოლოდ, ლთის წინაშე,
ბართკ ორი მთელი გამეგობის. და ან ვართები
წარუდგენია ანათის გუბერნატორთან, რომელსაც
თავის მოხელესათვის მიუწვდია ამ საქმის რეგია.
რეგის უშეუბნა აგრეთვე ესას ბ. ქალაქის თავი,
და როგორც "ქერი. ბილ" იტყვიან, ბერი არა სა-
სურველი რამ უჩავს. სათავდაზნაფრო ბანკშიც
ხომ რეგია წამოიებს. იმს დმერთი ჩემო რა მოუ-
სენარა და დერდარბის მოყვარულიც კეთათუ-
რები უჩაზოდს "მუღარდვლებს" სალაპარაკო
მასალა გაწოდნ.

თილისში კი რობი და რკინის გზა აყრა იყე-
ლის ენაზე, თეოდორის ქალაქის გამგებმა კონკსიო-
ნერებს იწვევდა ცხენის რკინის გზაზე, მაშინ როცა,
თუ რომის დავუფერები, მას 81 წლის ვადა კიდევ
ჰქონია რკინის გზის სარკებლობისა რაზიმ საჩინარი
იტანდა სალცე ჯერ არს, რომ საბუკავან კონკსიო-
ნერების მოწყვეთი რამდენიმე ათასი მანეთი ზარალი
მომივიდა და დამკაყოფოღებს ვითხობოა. ენათს
საქმე რით გათავდაცბა.

ვათაღებია თუ არა რომის და გამგების საქმე
ჩვენ სრულიად არ გვიანტეგესებს-იტყვიან ჩემი

„კვირიდან კვირამდის“ გმირები; ჩვენთვის ის უფრო საინტერესოა ვიცოდეთ გათავლება და ბოლო მოვლდება ოდესმე ეს რალაც „კვირიდან კვირამდე“-ა? სინარულით ფეხზე აღარ ვიდექით, ვფიქრობდით ნოე ანუ გაგზავრა პატარახან მოვისვენებთ, და ეს „გ—ო“ საიდან მოვევლინაო. ძველ სანუგეშოს ვერაფერს ვეტყვი. აბა რას ბრძანებთ! ჯერ ეხლა რა არის და ეს „კვირიდან კვირამდე“ რომ არ იყოს, ხომ სულ ერთიანათ წაწყდებოდა ქვეყანა!

გ — ო



* *

როს ნანატრ დროის დაჭკრას საათმა, ცას მოკვდინოს ძლევის ცისკარი, თავისუფლების იჭქეის ხმა და მტერებს დასტეს შიშისა ზანი; როს შეკაკებულ სიმართლის ძაღამ, როგორც ქუსიღამ, დაიკრიაფოს და ძლევის კელზე წელმა ნიკამ მძლეკელი დროშა ააფრიალოს — იმ დროის შვილო, შეგოსოგ კადრებით: მონახე მამინ ჩემი საფლაგო და თავისუფალ იმ შენი ხმებით მითხარი იმა ძლევის ამბავი. მითხარი ტანჯვის დროინდელ შვილსა, მწარე ტანჯვითვე საფლაგში ჩასულს, თუ რა ძალა აქვს მაგ შენ დროს ტკბილსა, ჩემსა იდეალს, ჩემგნით ვერ ნახულს. მითხარი მეთქი, გაფიცებ მაგ შენს ძლევის გვირგვინსა, თავისუფლებას, და აკრძობინე ის შვილს ჩემ ძლეუს რომ ბანი მოსტენ აქვენს ნეტარებას!..

ბ. გოგოლაძე.

ხალხის გულის მესაიდუმლე.

(თხზულებები ებ. ნინოშვილისა.)



Иныхъ времянь, иныхъ картинъ Провижу я начало. ნეკრასოვი.

VII.

„პარტახი“ თავიდან ბოლომდე ილიუსტრაცია იმ უბედურების, რომელიც გლენს ატყდება უვიცობისა და მანებელ ჩვეულებათა გამო.

ჯერან ტვერიძე გლენსკაცის კვალობაზე თავის სოფელში საუკეთესო მოსახლე იყო; მიწა იმდენი ჰქონდა, რომ მოსავალი არა თუ თვითონ ჰყოფნიდა, ყიღდა კიდევ და ამით გადასახადს ისტუმრებდა; ეზოში წამოჭიმული ჰქონდა ორთვალის ფიცრული, ბელელი, ფაცხა, ნალია, სხვა და სხვა წვრილი შენობები; შინაური საქონელი, რაც საჭირო იყო ერთი გლენისათვის, სრულათ ჰყავდა. ამიტომ გასაკვირველიც არ არის, თუ გლენს გარდა ბევრ გაღარიბებულ აზნაურსაც ეჭირა თვალის ჯერანზე: ცოტა რამ თუ შემოგვამლია, ქალს მიეცემთო. ჯერანიც კარგათ ხედავდა, რომ ადვილათ შეეძლო აზნაურს დასიძებოდა, მაგრამ იცოდა, აზნაური დიდკაცობას დამიწყებს, დაჯდება და ხელს აღარ გაანძრევსო; ამიტომ გლენის ქალს ეძებდა. ქალი ბევრი ეძლეოდა, მაგრამ ჯერანი მეტათ შეუჯერებელი ხასიათის იყო: რადგანაც მდიდარი გლენის სახელი ჰქონდა გავარდნილი და თვალათაც არ იყო ურიგო, უნდოდა, რომ მისი ცოლისთანა ქალი მთელ ეკლესიაზე არ გამოსულიყო. ასეთი ხასიათისაც რომ არ ყოფილიყო ჯერანი, მას ღრმით რწამდა ძველი ჩვეულება: იგი კაცათ არ იხსენების, ვინც ღედის უნებურს იზამსო; ჯერანისათვის ღედას და დას უნდა გამოერჩათ საცოლო, ჯერ მათ უნდა მოწონებოდათ; თუ კი ისინი მოიწონებდენ, ჯერანიც თანახმა განდებოდა. ხვარამზე, აქაო და ერთათ ერთი ვაჟიშვილი გამაჩნიაო, შვილზე უარესი წუნია იყო; ის მუდამ მკითხავთან გარბოდა, მკითხავი კი გადაჭრით არაფერზე უთითებდა, ამიტომ ვერც ხვარამზეს გადაეწყვიტა ჯერანის იღბალი. ჯერანის და, ელისაბედიც, ამგვართ იქცეოდა; მას რწამდა რომ ჯერანის საცოლეს ამორჩევა ღედისა და დის საქმე იყო და არა ჯერანის. „მამა რომ გეყავდეს ცოცხალი, მამინ ჩვენ აღარ გვექნებოდა ხმაი. მარა მამა აღარ გეყავს. ჩემი ძმის ჭირის უფალი ახლა მე და ნენაი ვართ. ახლა ჩვენ თავზეა მისი ცოლის შერთვა“-ო, ამბობდა ხოლმე ის. ღედისა და დის უნებურათ რომ ჯერანს ცოლი შეერთო, ამას ელისაბედი ვერ წარმოიდგენდა. ხანდახან ჯერანი გაეზუმრებოდა ხოლმე დას: ესა და ეს ქალი მომეწონა და უნდა შევირთოვო; თუ ელისაბედს ის ქალი არ მოწონდა, გაცეცხლდებოდა ხოლმე: ჯერ ღედა და დაი დაგეკალი და მერე შევირთო. ჯერანი გაიცინებდა და მალე დაამშვიდებდა: — „რა ბრიყვი მნახე

*) იხ. „გვალი“ № 40

მე, რომ შენდა ნენის უნებურათ ცოლა შევირთოვო“.

როდესაც მაშუალი მოვიდოდა ჯერანთან, ქალი ჯერ უსათუოთ ხვარამზეს უნდა ენახა; თუ მას არ მოეწონებოდა, საქმე ჩაშლილი იყო. თუ მაშუალი ჯერანსაც ურჩევდა: „შენც ნახეო, ჯერანი უპასუხებდა: „არა, ნენამ ნახოს, ნენა მე არ მილალატებს; თუ მას დაუჯდება, მეც ვარს არ ვიტყვიო“. ბოლოს, როგორც იქნა, მოეწონა ერთი ქალი ხვარამზეს; საქმე თითქმის გაათავა, — მხოლოდ მკითხავეს ახრი იყო საჭირო; სამ მკითხავს აკითხვიეს დედა ქალიშვილმა და სამივემ უთხრა: ბედი კარზე მოგდგომიათ და ხელიდან არ გაუშვათო. ძველი ჩვეულების ღრმით პატივის მცემელმა ჯერანმა თვითონ აღარ ინახულა ქალი და პირდაპირ მაყრებით დასანიშნავათ წაიქცა; მაგრამ დახეთ მის უბედურებას: საცოლეს შერცხვა, ფერი შეუკრთა, ტანისამოსიც არ უხდებოდა და ჯერანს არ მოეწონა. გაბრუნება შეუძლებელი იყო; ჯერანმა დანიშნა ქალი და გამობრუნდა სახლში. ჯერანმა დააგვიანა ჯვარის წერა: მას ქალი არ მოეწონა და ერთი ფიქრი ეუბნებოდა, თავი დაანებებო; მეორე ფიქრი კი არწმუნებდა: სოფელში პატიოსან და სინიდისიერ ადამიანს გიძახიან, ქალი შენს ნიშანს ატარებს და ახლა რომ თავი დაანებო, ხომ მოგეჭრა თავიო; ამას ჩაძახოდა ჯერანს ძველი ჩვეულება. ჯერანმა ძალათი დაიწერა ჯვარი, სოფლის უაზრო ჩვეულებამ მას ბედნიერების მაგიერ უბედურება შეძინა და მისი მდიდარი კარმიდამოდღეს პარტახათ გადააქცია.

ლიზა, ჯერანის საცოლე, თვრამეტი წლის ქალი იყო; თვალტანათ მოხდენილი იყო, ხასიათიც კარგი ჰქონდა. ჯერანს რომ პირველათ თვალი მოჰკრა, არ მოეწონა; არ უნდოდა, რომ მას გაჰყოლოდა ცოლათ; მას სხვა უყვარდა, მაგრამ ძველი ჩვეულების წყალობით ის მშობლების სრული მონა იყო და ყოველგვარი გრძობა თავისსავე გულში უნდა ჩაეხშო. იმის ბედს წყვეტადენ და მას კი კრინტიც ვერ უნდა დაეძრა; ვისაც მიცემდენ იმას უნდა გაჰყოლოდა, როგორც გაყიდული პირუტყვი. როდესაც ჯერანმა ჯვარის წერა დააგვიანა, ლიზას უხაროდა, მაგრამ, რომ მოიფიქრებდა, თავის დანებებას საქმროსაგან როგორი ქორები და დამცირება მოჰყვებოდა, სასოწარკვეთილებას მიეცემოდა და იტყოდა ხოლმე: „რა უჭირდა, არ გვეყჩინე ღმერთსო“. უაზრო ჩვეულებას ისეთი გაელენა ჰქონდა, რომ ლიზას ერჩია, გაჰყოლოდა იმ კაცს, რომელიც მას ძულდა, ვიდრე სხვისი დაცინვის საგნათ გამხდარიყო. გლეხკაცი ქალს მხოლოდ გარეგნობას უშინჯავს, თვალთ თუ არ მოეწონა, მისი აღარაფერი მოწონს, მისი სიყვარული არ შეუძლია. ჯერანიც ასეთი იყო; ჩვეულებამ ის აიძულა შეერთო ისეთი ქალი, რომელიც მას არ მოეწონა; ცოლის შერთვა და მისი გაუბედურება ერთი გახდა. გულნაკლულ ჯერანს ცოლის აღარაფერი მოეწონა; ჯერ სახელი გამოუცვალა, შემდეგ თმის დაწენა დაუწუნა. ჯერანისაგან დაწუნებული ლიზა დედამთილმა და ელისაბედმაც აითვალწუ-

ნეს. თუ ლიზა დედამთილს ყოველიფერში არ დაეთანხმებოდა, ხვარამზეს გული მოდიოდა: უმცროსი უფროსს ყოველიფერში უნდა დაეთანხმოსო; თუ დაღონდებოდა, იმას უწყებოდენ: რა გაქვს სამგლოვიო, თუ გაუჩუმდებოდა ყველას, მაშინ უფრო უწყებოდენ: განგებ იქცევი აგო, რომ ჩვენ გაგვანგლოვო.

— ესეც გველსავით განისინდება და ჩაიწვევს ენას, რომ გულზე ტყვით მოგაკედიხა კაცს! ეუბნებოდა ერთ დღეს დედას ელისაბედი. — ვევეა გველმა-ადამიანმა ასე იცის განუძება. ვითამ და სხე, მე ვაი სუდიკი ვარ, შენ რატ გინდა მითხარა, მე მაინც არ მეწყინება, მაგიერს არ გეტყვიო. მაჩა გულში ქე წავს ყველას და ბოლოს გველსავით სწამლავათ გადოანთსეკს. მიუგო ქალიშვილს ხვარამზემ.

ყველა მას უწყებოდა, ყველა მას ჰკიცხავდა, ყველა მას ლანძღავდა; მას კი უფლება არა ჰქონდა, ხმა ამოეღო. მთელ ოჯახში ლიზას ყველა მტრულათ უყურებდა, არაფერ იყო ისეთი, რომ მის მდგომარეობაში შესულიყო, რომ მისთვის გავზიარებია ლიზას თავისი გულის პასუხი. მეზობლის დედაბერთან დადიოდა, და ამასაც უწუნებდენ; მშობლებს და დამძებს ხომ მალე ამოაკეთიეს მასთან სიარული. ლიზას მოძულდა თავი, სიცოცხლე ჯოჯოხეთათ გადაექცა, ბევრჯერ დააპირა წასელო, მაგრამ სოფლის შეხედულება პირიქით, მას გაჰკიცხავდა და თავს მოჭირდა. აშკარაა, ლიზა ასეთ მდგომარეობაში ეშმაკსაც კი შეეთვისებოდა, თუ კი მასში მცირეოდენ თანაგრძნობას და სიბრალულს ჰპოებდა ამიტომ გასაკვირველიც არ არის, რომ მან ლევიანი შეიყვარა. ლიზა დიდხანს ებრძოდა სიყვარულს, მაგრამ მაინც სიყვარულმა ძლია და ასეც უნდა მომხდარიყო: მან ძლიეს იპოვა ადამიანი, რომელმაც ის შეიბრალო, თანაგრძნობის ხელი გაუწოდა; ძლიეს ნახა მეგობარი, რომელთანაც მას შეეძლო თავისუფლათ ამოსუნთქვა, ტკბილათ საუბარი, თავისი სევდის გაზიარება; იმდროს, როცა ის ყველას ძულდა, ყველას ეჯავრებოდა, შეხედა ადამიანი, რომელიც ეუბნებოდა: — „შენ მაყვარხარ, ტყვია მომხედეს ამ გულში, თუ ჯერ ასე მაყვარებოდეს, რაეც შენო“; ხედავდა, რომ მას გულწრფელათ ეუბნებოდენ ამ სიტყვებს; ის დარწმუნდა, რომ „ლევიანი ერთათ ერთი ადამიანი იყო, რომელთანაც შეეძლო გამოეთქვა თავისი გულის პასუხი“, ამიტომ შეუძლებელი იყო არ შეეთვისებოდა მას, არ გადაეტანა მასზე მთელი ის გრძობა, რომელსაც აქამომდე საზრდო ვერ ეშოვა. ლიზამ კიდევ განიზრახა, ლევიანათ ერთათ გაქვეულოყო სადმე მაგრამ სხვა დაბრკოლებას რომ გადარჩენოდა, კანონს ვერსად დაემალებოდა, ხალხისაგან კიცხვა და წყველა კიდევ სხვა იყო. მის გარშემო ცხოვრება ისე იყო მოწყობილი, რომ მისი ბედნიერება შეუძლებელი იყო; ლიზას კანონიერი და სრულიად აუცილებელი გრძობა ლევიანისადმი გამოაშკარავდა,




ხალხმა დაინახა ამაში თავისი ჩვეულების და რწმენის დარღვევა და გაჰკიცხა ლიზა; მამამ შემოუთვალა: თავი მომჭერი ამ სიბერის დღეს, მაგრამ ჩემმა თვალებმა აღარ გნახოს ამას იქით! შენ დღეს იქით აღარ გყავს არც დედამა და არც დამძებნო. ჯერაჲს წინეთ ცოლის ვადახევა სამარცხენო საქციელათ მიაჩნდა, მაგრამ ახლა ცოლის დამაშაული ისეთი დიდი იყო, რომ ყოველივე დაივიწყა და მიჰყო ცოლის ლახვას ხელი. ლიზა გრძობდა, რომ მას უსამართლოთ ექცეოდნენ, ამავე დროს თითქოს თავის თავსაც ამტყუნებდა: მისი რწმენა შერყეული იყო და გარკვეულ გზას ჯერ ვერ დადგომოდა „რა ვიცი, რიგზე შევეცით! ესე იყო ჩემი საქმე მოწყობილი და შევეცით! თლათ იგინა დანაშაული ჩემ შეცთომაში! არა ვითამ? აბა მე ვარ? რა ვიცი, ვეფერს გვიგებს კაცი, ესეა მოწყობილი ჩვენი ყოფნა“!..

ლიზას მოუტედა ერთათ ერთი შეილი; ამ ქვეყნათ არა თუ აღარაფერი იზიდავდა მას, ყოველივე რიგგარეშობდა; სიკვდილი მისთვის სანატრელი შეიქნა, კიდევ მოიკლა თავი და დაამტკიცა ამით რომ თუმცა ძველებურ რწმენა შეხედულებაში იყო აღზრდილი, მაგრამ ძველი ჩვეულება დღევანდელ ცხოვრებაში მისთვის ისე მძიმე გამოდგა, რომ ვეღარ აიტანა და სიკვდილით გაინთავისუფლა თავი. შეუდარებელია მოთხოვნის ბოლოს ის ადგილი, სადაც აწერილია ლიზას სულიერი მდგომარეობა, მისი მარტივი ფიქრები იმდროს, როცა ის თავის მოკვლას ეპირებოდა. მე არ ვიცი უკეთესი ალაგი ფსიხოლოგიის მხრივ ჩვენს ლიტერატურაში. ლიზას მთელი აზროვნება თავის მოკვლის წინ სიყმაწვილის დროსა და ნიკოს გარშემო ტრიალებს. მას უნდოდა ბედნიერი ყოფილიყო და ნება არ მიცეს. დღეს მისთვის ყოველივე მისკამილია. ის ჯერ მონა იყო მაინც, შემდეგ ქმრის, ხმის ამოღების ნება არც ერთთან არა აქვს. მას სიყვარული სწადია; ის კი ყველას სძულს. როდესაც ყველასაგან უარყოფილმა ნახა კაცი, რომელმაც ის შეიყვარა, დედამამაც კი პირში ჩაფურთხეს და მის შეილობაზე ხელი აიღეს, რათ? განა მათი ბრალი არ იყო ყოველივე? სიკვდილის მეტი ლიზას აღარაფერი დარჩენია, მაგრამ ის იმითომ კი არ იკლავს თავს, რომ სიცოცხლე მოძულებოდეს; არა, მას სიცოცხლე უყვარს, მას უნდა ბედნიერება, მაგრამ „თავიდან არის ყოველივე რიგგარეშობა“ და თავის მოკვლის მეტი აღარა დარჩენიარა. განათავისუფლეთ ლიზა ძველი ჩვეულების ბონობისაგან, ნუ გადაეღობებოთ მის ბედნიერებას წინ, იცანით მისი პიროვნება და უფლებანი და ის სრული ბედნიერი იქნება.

არა თუ ლიზა არის შესაბრალო, შესაბრალონია მთელი ის წრე, რომელიც ჯერ ვერ განთავისუფლებულა დამყარებულ რწმენა ჩვეულებათაგან. ლიზას გარშემო ყველა ისე შეუბოროტავს ძველ ჩვეულებებს, რომ თავისუფლათ ფეხის გადადგმა აღარ შეუძლიათ. ჯერანი დაწესებულა, რომ ძის ცოლის შერთვა ძისი დედის საქმეა და არა იმისი; როცა მამული მოუდის, ის დედაზე უთითებს; ნენამ ნახოს და, თუ მოეწონა, თაახმა ვიქნებო. ხვარამ

ზეც ამავე აზრის არის და საცოლეს სანახავათ ჯერანს კი არ გზავნის, პირ იქით სხვებს არიგებს: „ჯერანს არაფერი უთხრათ, ჯერ მე ვნახე და, თუ მოეწონა, ქეც დაენიშნოთ“. ვერც ერთს ვერ შეუგნია, რომ ცოლის ამორჩევა მისი საქმეა ვინც მას ირთავს, და არა დედამის. ჯერანი ხელდას, რომ გუბედურდა, მაგრამ მას ვერ შეუგნია, სად არის მისი უბედურების მიზეზი; ის დედას უწყობდა: „ზღაპარში გამიგონია დედაი, დაა მოლაღატეთ, მარა თუ მართალი იყო, დღემდე არ ვიცოდი და დღეს კი ჩემი თვალთ ვნახე“. მას ვერ შეუგნია, რომ დედა და და აქ არაფერი შუაშია, რომ ყოველივე უბედურება წარმოდგა მისი სრეგენისაგან, უმკითხავოთ რომ ფეხს არ გადადგამს, და იმ ჩვეულებისაგან, რომელიც მას ღეთისაგან დადგენილი ჰგონია და რომლის დარღვევაც მომაკვდინებელ ცოდვათ მიჩნია. როდესაც მისი და არ მოიწონეს, ის სიდედრს უწყობდა: „თუ გულთ მოენდომებია, ქალის სანახავათ საქმის გაკეთებამდი რეზა შეიყვანა? ჯერ საქმეს გავეკეთებდი და ქალის ნახვას, მასანიშნავათ რომ შევიდოდა, მაშინ: ცქე მოესწრებოდაო“. ე. ი. ის წყობდა, რომ მისმა სიდედრმაც ბოლომდე არ დარცვა ის ჩვეულება, რომელმაც თვითონ ის (ჯერანი) გაუბედურა. ძის ცოლის შერთვაში ელისაბედი დიდი თავ გამოდებული იყო; თუ ქალებს ჩხრეკდა, თუ მკითხავებთან გარბოდა. როდესაც საქმე მის გათხოვებაზე მიდგა, დედა და ძმა ფათურობდნენ, ის კი ისე იყო გაჩუმებული, თითქო მას არაფერი შეეხებოდა; თავის გათხოვების საქმეში გარევა მას სამარცხენო საქციელათ მიაჩნდა, ამას გარდა „ურცობა თავაშეგებულობაში ჩამოართმევენ!“ ლიზას არ მოწონს საქმე, სხვა უყვარს, მაგრამ ჩვეულებამ ის უბრალო ნიეთათ გადააქცია; მას უფლება არა აქვს, თავისი ბედის გადაწყვეტაში წილი მიიღოს, არ წაჰყვებს მას, ვინც ძულს და პირდაპირ გამოაცხადოს: მე ეს კაცი მიყვარს, მასაც ვუყვარვარ და ჩვენს ბედნიერებას ნუ ეღობებთ წინო. ზალიკას, ლიზას მამას, სასიძო კაცს უგზავნის და უთელის: შენი ქალი არ მომწონს და გამიშვიო; ზალიკას უყვარს თავისი ქალი, მას ბედნიერება უნდა თავისი ქალის და არა გაუბედურება; მისი ქალი თუ ქმარს ეძულება, ამით ის უბედური იქნება, მაგრამ ზალიკა დაბრმავებულია უაზრო ჩვეულებით, რომლის დარღვევაც მას ოჯახის გაბანებათ და შერცხვენათ მიაჩნია. მამას, რომელსაც შეილი უყვარს, თითქო კიდევ უნდა განაზრებოდა და არ მიეცა შეილი ისეთი კაცისათვის, რომელსაც მისი ქალი ეძულებოდა; მაგრამ ზალიკა მონა ძველი ჩვეულების და ამითომ ის სასიძოს ჩხუბს უქადის: „ჩემი ოჯახის შერცხვენას ნუ მენდომებს, თვარა დღეს მეც გავთავებდი და იგიც ვათავებო.“

ჩვენ დაინახეთ თუ რაში მდგომარეობს მოთხოვნის დედა აზრი; ხოლო აზრის განსახორციელებლათ ავტორმა სინამდვილე ბევრგან დაამახინჯა, ბევრი სუყლობე იხმარა, ნაძალიადევათ მოწყობა ბევრი გარემოება წინდაწინვე დასახულ მიზნის მისაღწევათ და ამითომ მოთხოვნა მეტათ ტენდენციური გამოვიდა. ავტორს სურდა უსათუოთ დემტკიცება, რომ ძველი ჩვეულებანი ხალხს ღუპავს; ცხოვრება



კი აღენათ არ ეთანხმება აეტორს, რამდენათაც მას უნდოდა; მართალია, ცოლის შერთვაში ისეთი ჩვეულებების გაბატონება, როგორც ნინო შეიღმა დაგვანახა, ბევრ უბედურებას თესაეს; მაგრამ იმ ზომამდე კი არაინ მიჰყავს, როგორც ჯერანი და ლიზა. ამიტომ აეტორმა ჩაურთო მოთხრობაში ბევრი ნაძალადევი პირობები, რომ მის მიერ დასასრული დასკვნა აუცილებელი ყოფილიყო; ამით კი სინამდვილეც დაამახინჯა და მოთხრობის სახელოვან ღირსებას და მნიშვნელობასაც ზიანი მიაყენა. ჯერანს არ მ'ეწონება ქალი, მიუკვანა სასიმამროს მოციქული, მარა არ გაუშვებს; გაპარვა დაპირა, მაგრამ ვერ მოახერხა; სახლში დაბრუნებას შემდეგ სულ გულ აღრენილი იყო და დედას და დას ხმას აღარ ცემდა. ცოლის ისე შერთვა, როგორც ჯერანმა შეიერთო, იშვიათი მოვლენა არ არის ჩვენში; ჯერანს არ ეყვარებოდა ისეთი ქალი, რომელსედაც თითქმის ძალათი დაწერეს ჯვარი, მაგრამ შეიღის ყოლია, ისიც ვაჟის, ბოლოს მოუღებდა ყოველგვარ უკმაყოფილებას ცოლქმარ შორის. ჩვენ კი ამას ვერა ვხედავთ: ყველა შინაურებს ისევე ძულთ ლიზა, როგორც წინეთ. ჯერანს რომ არ დახოცოდა ხარები, ფეხი რომ არ დაეჭრა მძიმეთ, სიმამრს რომ ფულს არ შესესხებოდა, ელისაბედს და თხოვრებაც რომ არ გამოგოდა, ეჭვს გარეშედა, ლიზას ნელა-ნელა შეეჩვიოდნ და სიძულვილი მოისპადა. ვაჟის სიკვილი რაღა იყო? მკითხავე ამბობდა, ლიზა კუდიანი დედის შეიღია, თათონაც კუდიანია, თქვენი ოჯახი აწი სულ უკან წავაო; ელისაბედი გახმა, ჩამოდნა; ამას ლიზას კუდიანობას აბრალებდნ. ამას შემდეგ ლიზა თხოვს ჯერანს გამიშვი მამაჩემთანო და ის კი არ უშვებს! მკითხავეის სიტყვებისა და უბედური შემთხვევების შემდეგ ჯერანი არა თუ ლიზას სახლში წასვლას არ დაუშლიდა, ჰირიქით თათონ გააგდებდა და მოიშორებდა თავიდან, მართალია, მას ეთაკილებოდა ცოლის გაგდება, ეშინოდა. ვაი თუ გაუნამუსოდესო, მაგრამ, როდესაც იმის კუდიანობაში დაჩქმუნდა, დალუპების შიში უფრო ძლიერათ იმოქმედებდა ჯერანზე. მაგრამ აეტორმა დააკავა ლიზა ჯერანის ოჯახში, მოუკლა მას ვაჟი, სხვა და სხვა სრულიად შემთხვევითი გარემოებებით იმ ზომამდე მიიყვანა მისი ცხოვრება, რომ ლიზას თავის მოკვლის მეტი აღარა დარჩენოღარა. ჩვენ სრულიადაც არ ვართ იმის წინააღმდეგი, რომ მოთხრობაში შემთხვევითი ელემენტები ერიოს; მაგრამ, როდესაც მწერალი ტიპურ მოვლენას ხატაეს ცხოვრებიდან, ისე უნდა დახატოს, რომ მკითხველმა შემთხვევითი ელემენტებით არ ახსნას ეს მოვლენა; „პარტახი“-ს წამკითხველი კი უსათუოთ იფიქრებს: ძველმა ჩვეულებამ კი არა, სხვა და სხვა უბედურმა შემთხვევებმა მიიყვანეს ლიზა იმ ზომამდე, რომ უსათუოთ თავი უნდა მოეკლაო.

ბ ე დ ნ ი ე რ ე ბ ა .

II.

ესე გაიარა ხუთმა წელიწადმა.
 — შენ სახელზე წერილია! — კონვერტ-თ ხელში შევიდა ცოლის ოთახში სერგო. ხელაქმეში გართული მატა ფანჯარასთან იჯდა. მის ფეხთით ორი პატარა ბავში კარტის სახლებს აშენებდა. სერგო დაიღუნა, ლოყებზე ხელი მოუცაცუნა ორივე ვაჟს, გადასცა ცოლს წერილი და ისევე თავის კაბინეტისაკენ წავიდა.
 მატამ აუჩქარებლათ გახსნა წერილი, მაგრამ დახედა თუ არა რა ეწერა მას ქვეშ, აღელვებულმა გაჩქარებით დაიწყო მისი კითხვა.
 „თუ არ გეშინია გაუთხოვარ შეიღიან ქალთან დაახლოვების, მოდი ჩემთან. მე ისევე აქა ვარ. მოწერა მეტის არაფრის მინდა, ამაში მაინც არ გამოვეცილივარ, წერილების წერა ახლაც ჰირივით მუშარება“. იქვე, კუთხეში, აღრესი იყო მაწერილი.
 — რუსო, რუსო... — წაილაპარაკა მატამ და ისევე აედრა გულში ის ღრმა, მეგობრული სიყვარული, რომელსაც მთელ თავის სიცოცხლეში მარტო ერთათ ერთ რუსოსათვის გრძნობდა. გაახსენდა გიმნაზიაში მეგობრობა, გაახსენდა მაშინდელი მოუსვენარი, ცელქი რუსო, გაახსენდა მერე მასთან შეხვედრა, ის ბედნიერების შუქი, რომელიც მაშინ მის სახეს ეფინებოდა, ის უზომო სიყვარული, რომელიც მის დიდ შავ თვალეში გამოკრთოდა, და ის პატარა ფრაზა, რომელსაც მაშინ ის წყნარათ იმეორებდა გრძნობისაგან აკანკალებული ხმით:
 — მე მიყვარს ის!
 ახლავე, ახლავე წავა, გაიქცევა მასთან მატა. საჩქაროთ დაიხურა ქული, მისხნა მოსახურავეი, უბრძანა გოგოს ბავშვებს არ მოცილებოდა, თითონ კი ეტლში ჩაჯდა და მეეტლეს აღრესი უთხრა. ნახევარ საათს შემდეგ ეტლი ქალაქის ერთ ვიწრო, მიყრუებულ ქუჩაში, ორსართულიან ჩამოძველებულ სახლთან გაჩერდა. ახალგაზდა ქალიშვილივით ჩქარი ნაბიჯით აირბინა მატამ კიბეზე. იქ, ვიწრო და ბნელ წინა ოთახში პატარა ბიჭმა უჩვენა მას, რომელ ოთახში უნდა შესულიყო, და აი, უწინდელივით ორი მეგობარი მაგრათ ჩაეკრნ ერთმანეთს.
 — რუსო, რუსო! — თვალცრემლიანი იმეორებდა მატა. რუსო არას ამბობდა, მაგრამ მის დიდ, შავ თვალეში იმდენი სიხარული, იმდენი სიყვარული იხატებოდა, რომ ვერაფერა ენა მათ უკეთ ვერ გამოთქვამდა.
 — ეს ჩემი ქალია! — თქვა რუსომ და წინ წამოაყენა პატარა, დედასავით შეთვალემა, დედასავით შევეგრემანი ოთხი წლის ქალიშვილი. მატამ პატარა, ქალი კალთაში ჩაიჯინა, თითონ კი თვალი ვერ მოეშორებინა მის პირდაპირ მჯდომ რუსულანისთვის. იგივე უიდი, შავი თვალეები, იგივე ლამაზათ უკან გადაბრცხნილი და უბრალოთ გადაგრეხილი შავი თმა, იგივე ეშხანი ქალიშვილური სახე, იგივე მიშხიდელობა ყოველ მიხერა-მოხერაში, ყოველ მოძრაობაში...

(შემდეგი იქნება) X ა. გამართული.

— ღმერთო! თითქო ამ ხუთ წელიწადს სულ არ გაველოს, თითქო ისევ ის რუსო ხარ, რომელიც მაშინ ისე მოულოდნელათ მეწვია!

— შენ კი გეტყობა, რომ გათხოვილი ქალი ხარ!— გაიცინა რუსომ. — გამსხვილებულხარ, თითქო კიდევ გაზდილხარ, მაგრამ მაინც ისევ ისე ლამაზი და კარგი, ჩემი საყვარელი მატა ხარ!

— როგორ გაჩნდი აქ, როდის ჩამოხვედი, სად არის... და მატა შეჩერდა, არ იცოდა, როგორ დაესახელებინა ის, ვისაც კითხულობდა.

თითქო მწუხარების ღრუბელმა გადურბინა რუსოს მოძრავე, მეტყველ სახეს.

— ის მოკვდა... დიდი ხანია, სამი წელიწადია მას აქეთ... ნელი ხმით უპასუხა მან. — ჯერ ორ წელიწადზე მეტი პოლონეთში დავრჩი, კარგი ადგილი მქონდა, ახლა კი აქ ჩამოვედი, ჩემ სამშობლოში, ამის გულისათვის! — მიუთითა მან პატარა თმა ხუჭუჭა ქალზე. — არ მინდა, რომ თავის სამშობლოს მოწყდეს, მაინც მინდა, რომ ქართველი იყოს... აქაც ჩემი შრომით ვცხოვრობ. აქამდის არაფერი შევატყობინე, მინდოდა, ჯერ მოეწყობილიყავი, იმისიც მეშინოდა, ვაი თუ არ მომიკარებოდი.

— რას შრომობ, რას აკეთებ? — ჰკითხა მატამ და სიყვარულით მოუჭირა ხელზე ხელი.

— ახლა თარგმანები ვიწავი, ფრანგულიდან რუსულათ ვთარგმნი ქურნალებისთვის. კერძო ვაკვეთილებიც მაქვს. რასაკვირველია, აქ ყველას ქვრივი ეკონივარ. ბევრს ვერას ვშოულობ, მაგრამ მე და ამას გვეყოფნის...

— ბებია შენი? რატომ მასთან არ წახვედი, იმ ქალაქში, სადაც ის ცხოვრობს?

— იმას აქამდისაც ვერ მოუტყევებია ჩემთვის ჩემი უპატიოსნო ქცევა. ვალაც შორეული ნათესავი აუყვანია და მთელ თავის საცხოვრებელს მას უტოლებს.

— საწყალი, საწყალი რუსო! — ისევ ხელი მოუჭირა ხელზე მეგობარს მატამ.

— შენ? შენ ბედნიერია ხარ? — დაკვირვებით შეაჩერდა რუსო მატას

— რუსო, ვახსოვს ჩვენი უკანასკნელი საუბარი? — დაფიქრებით დაიწყო მატამ და მაშინდელივე ერთ წერტილს მიაპყრო თავისი გრძელი წამწამებით დაჩრდილოელი დიდი ცისფერი თვალები. — მე ვამბობდი მაშინ, რომ ნამდვილი სიყვარული, ეს სიყვარული, რომელიც წიგნებშია აწერილი, არ არსებობს თქო, ახლა კი ვუმატებ, რომ არც ნამდვილი, ღრმა ბედნიერება არსებობს ქვეყნიერებაზე, არაფერს დაგიფარავ. ყველაფერი ისე მოეწყო ჩემ სიცოცხლეში, როგორც მე მოველოდი; მე და სერგო ძალიან კარგათ, ძალიან მშვიდობიანათ ვცხოვრობთ, ყველაფერი გვაქვს, არაფერი არ გვაკლია; ორი პატარა ვაჟი გყავს, რომლებიც ორივეს ძალიან გვიყვარს, მაგრამ... მაგრამ მაინც ბედნიერია არა ვარ. თითონ მიკვირს, პასუხის მიცემა არ შემიძლია როცა ჩემ თავს დავეკითხები, სრულ ბედნიერებას რა გიკლავთქო, მაგრამ მაინც არ შემიძლია არ გავიმეორო, რომ ბედნიერი არა ვარ!

— იცი, რა გაკლია მატა? შენ გაკლია ის გი-

ქური, თავდავიწყებული სიყვარული, რომლისთვისაც ბოძაც შენ არა გწამს... არა, არა, არის ქვეყანაზე ისიც და ბედნიერებაც, სრული, ჭკმაპირიტი ბედნიერება! — შენ ჩვენი უკანასკნელი საუბარი გაისმენე, — ცოტა ხანს შემდეგ განაგრძო რუსომ. — მეც კარგათ მახსოვს ის და როგორც მაშინ, ახლაც გეტყვი, დამიჯერე, რომ არის ბედნიერება, დამიჯერე, რადგანაც... მაშინდელივეთ ახლაც რუსოს ხმა თითქმის ფურჩულათ გადიქცა, — რადგანაც მე თითონ გამოვეცადე ის!

ორივე ქალი გაჩუმებული იჯდნენ. ოთახში თან და თან ბნელდებოდა, მაგრამ სანთლის ანთება არც ერთს და არც მეორეს არ აგონდებოდა. პატარა შავ თვალემა გოგონა ძირს ხალიჩაზე მოთავსებულიყო და დედის კალთას მიხუტებოდა.

— მე ბედნიერი ვიყავი... — ცოტა ხანს იქით ნელი ხმით დაიწყო რუსომ. — ამბობენ, ბედნიერებას შემდეგ კიდევ უფრო უბედურათ გრძნობს ადამიანი თავსო, მაგრამ ეს ტყუილია! კარგი წარსულის მოგონება თითქო აწმყოსაც უშუქს ჰყენს, თითქო მასაც აბრწყინებს, ანათებს და აბედნიერებს! მე ბედნიერი ვაყავი. ვერ წარმოიდგენ, რა იყო ის ორი წელიწადი, რომელიც ჩვენ ერთათ გავატარეთ. ახლაც კი ბედნიერი ვარ, ბედნიერი ვარ იმიტომ, რომ მე მხედა ბედათ ერთიანათ, ერთი გადაკვრით დამელია მთელი ის ბედნიერება, რომელიც ყოველი კაცის ხვედრია, მაგრამ რომელიც ხშირათ, თითქმის ყოველთვის, ისე წერილ-წერლ ნაწილებათ არის დაღლეჯილი და ცხოვრების სხვა-და-სხვა კუთხეში მიგდებული, რომ ადამიანი მას თითქმის ვერც კი ამჩნევს...

ოთახში კიდევ უფრო ჩამობნელდა, მაგრამ მატა მაინც ცხლათ ხედავდა რუსოს საყვარელ სახეს, რომელსაც ახლაც მაშინდელივეთ ბედნიერების შუქი ეფინებოდა, ხედავდა მის დიდ შავ თვალებს, რომლებშიაც ახლაც უზომო სიყვარული გამოკრთოდა.

— და იცი კიდევ რას გეტყვი? — ცოტა ხანს იქით ხელ ახლავ განაგრძო რუსომ — უთუოთ ახლა ყოველი პატიოსანი ოჯახი კარს დამიხურავს, უთუოთ, ყოველი დედა აუკრძალავს თავის ქალიშვილს ჩემ გაცნობას, მაგრამ მაინც, მე რომ მკითხონ, აი, ამისთვის, — მან სიყვარულით გადუსვა ხელი მის მუხლზე მიყრდნობილ შავთმა-ხუჭუჭა თავს, — მაინც იმისთანა უბედურებას ვისურვებდი, როგორც ჩემი იყო, ვიდრე იმისთანა ბედნიერებას, როგორც ათასის სხვისა...

მატამ თავი ჩალუნა, ვერაფერი პასუხის თქმა ვეღარ მოახერხა.

გლ. წერეთელი.
1898 წ. 10 დეკემბერი.

ბ-ნ ნ. წერეთლის საპასუხოთ.

თქვენ პატრიარქულ გაზეთ „ვეალი“-ს 23 №-ში დასტამებული იყო წერილი ბ-ნ ბახტაძისა, რომელიც ესაყვედურებოდა ბ-ნ ნესტორ წერეთელს, როგორც მმართველს „პირველ მებარეშუმეთა ამხანაგობისა



ბ-ნ წერეთელმა „ხმა ამოიღო“ „ივერიის“ 163 ნომერში და, რასაკვირველია, იმართლა თავი, რამდენათაც ეს მოცხერხეოდა მის მდგომარეობაში; მაგრამ ვაი ამისთანა თავის მართლებას! ყველა კითხვები ბახტაძისაგან დაყენებული ისევ ისე კითხვებით დარჩენ. წერეთელმა არა თუ ვერ დაარღვია ვერც ერთი ბრალდება, მის წინააღმდეგ მიმართული, პირიქით გააორკეცა ისინი.

ეს ძლიერ სამწუხარო ამბავია, განსაკუთრებით ჩემთვის ამხანაგობის ერთ წევრთაგანისათვის, — სამწუხაროა მისთვის, რომ ამხანაგობა, რომელზედაც ელაპარაკობთ, თავის თავით ფრიად სასარგებლო დაწესებულებაა და მისი ბოლოს მოღება სასიკვდილო ცოდვით უნდა ჩავთვალოს მის დამღუპველს, ვინც უნდა იყოს იგი... ავიღოთ, მაგალითათ, შინაარსი ბახტაძის წერილისა. ბახტაძე ლაპარაკობს: 1) საზოგადოებას მმართველმა ვერ წარმოუდგინა ვრცელი, რიგიანი და სინათლიანი ანგარიში 1898 წლისათ; 2) ამხანაგობას მართავს თვით მმართველი და მართო იგიო და ეს წესი არაა სასურველი ამხანაგობის წარმატებისათვის; 3) კრებას მმართველი ნიშნავს მიწურულში, როდესაც მოახლოვებულია პარკების ყიდვის დრო და 4) ამხანაგობას საფუძვლიანი და რიგიანი წესდება არა აქვს. — აი, ბატონებო, რას შია ბ. ბახტაძის წერილის დედა აზრი და მერმე როგორ პასუხს იძლევა წერეთელი? შესახებ პირველი ბრალდებისა იგი გაიძახის: „მაშ ის ბანკები, ვისთანაც ამხანაგობას საქმე აქვს, როცა ამ ანგარიშებით იგებენ ამხანაგობის მდგომარეობას, გულთმისნები ყოფილან? ან კიდევ „პეტერბურგელი განყოფილება საპოფლო სამრეწველო და საკრედიტო დაწესებულებათა კომიტეტისა“ გულთმისნობით გვიჩვენებს ასეთი ანგარიშების შედგენას“?

ეს პასუხი ძლიერ საგულისხმო და საფუძვლიანი იქნებოდა, რომ ის თავიდან ბოლომდე სიცრუეზე დამყარებული არ იყოს. მართლა და თუ ამხანაგობას ბანკებთან საქმე აქვს და იგინი (ბანკები), თავის ინტერესების გამო, თვალს ადევნებენ ამხანაგობის ანგარიშებს, არც ჩვენ მოვტყუვდებოდით და ანგარიში უქვევლათ კანონიერათ შემდგარი იქნებოდა და ბახტაძის უქმაყოფილება ამ ანგარიშის გამო მართლა და გაუგებრობაზე იქნებოდა დამყარებული. მაგრამ საქმეც იმაშია, რომ ბ-ნ წერეთელი ცრუობს და მეტის მეტათ უსირცხვილოთ ცრუობს. — ამხანაგობას აწასოდეს თავისი ანგარიში ბანკებში არ გაუგზავნის და არც ბანკები საჭიროობენ იმის გაგზავნას. რისთვის? მისთვის რომ ბანკები ამხანაგობას ფულს აძლევენ საქონლის გირაენობით და ამისთვის მათთვის სულ არაა საჭირო წერეთლის ანგარიშები ასწორონ და დრო ამაში ჰკარგონ. — ბანკს თავისი საქმე თავდარიგიანათ მიჰყავს, — მისცემთ საწინდრათ პარკებს — მოაკცმით ფულს, ბევრათ ნაკლებს, რასაკვირველია, რაც შენ მიგიცია; არა გაქვს გირაეო, ვერ მიიღებ ფულს. —

მაშ აქ, ბატ. წერეთელო, რა შეაში უნდა იყოს ბანკი და ან რისთვის უნდა მიიღოს მან შრომა, რომ თვალ-ყური ადევნოს თქვენს ანგარიშებს და მოქმედებას? თვალ-ყურს ადევნებს იგი, რომ გირაეო არ გაეფანტოს და ამისთვის თქვენ ხელ წერილს გართმევს, გარდა გირაენობის ხელ-წერილისა, რომ თქ-

ვენ გაბარით ამდენი და ამდენი ფუთი პარკი და კიდევ იმაში — რომ მყიდველმა პირველათ უნდა დააკმაყოფილოს ბანკი.

ახლა მიბრძანეთ, ეს ტყვილია? აგრე არა გაქვს თქვენ საქმე ბანკებთან? მაშ სად არის თქვენი სიმაგრე, თქვენი საბუთი, რომ — ვითომც ბანკები (რა დაბეჯითებით ლაპარაკობთ!) გისწორებენ ანგარიშებს?! ან როდის გაგიგზავნიათ ეს ანგარიშები და სად? ამაზე პირდაპირ მიპასუხეთ და არა ჩვეულებრივათ — თქვენებურათ...

ახლა ეთქვათ ორიოდ სიტყვა, ბ-ნო წერეთელო, შესახებ პეტერბურგელი კომიტეტისა. გაოცებული ვარ, თქვენმა სიცოცხლემ, როგორ არ გრცხენიათ, როცა ასე გაბედულათ (მეტი რომ არ ეთქვათ) გეარწმუნებთ, რომ თქვენ ანგარიშებს რამე დამოკიდებულება აქვს კომიტეტთან? როდის გაგზავნეთ, ან რომელი წლის ანგარიში კომიტეტში? ან ვის არწმუნებთ, რომ კომიტეტი მიიღებს და გაასწორებს ანგარიშებს კერძო დაწესებულებისას?

ამით გინდათ გააკანონიეროთ თქვენი ანგარიშები და დაარწმუნოთ მკითხველი მათ სინამდვილეში? შეცდომაა, ბ-ნ ხრიკმისტარო! იქნება თქვენ გინდოდანთ გებრძანებით და ჩვენ ვერ მივიხვდით, რომ თქვენ ანგარიშებს ადგენთ კომიტეტის გამოცემულ ფორმებზე? განა — ხომ? კარგი დამემართოს, კარგი იქმნებოდა, რომ გენებებით იმ ფორმებზე ანგარიშების შედგენა, მაგრამ, სამწუხაროთ, თქვენ მიგიღიათ ანგარიშის შესადგენათ პირველი კვარდი კომიტეტისგან ნაჩვენები ფორმისა და 2, 3, 4 გვერდები კი საჭიროთ არ დაგინახეთ, მაშინ როცა თავი და თავი სწორეთ 3 და 4 გვერდებია და არა სხვა რომელიმე.

მაგალითათ, თქვენ გაქვთ ნაჩვენები 1898 წ. ანგარიშში სამმართველოს ხარჯათ — 4543 მ. — 68 კ.

კრებას უნდოდა გაეგო, და თქვენგან პასუხი ვერ მიიღო, საიდან შედგა ეს 4543 — 68 კ.? თუ თქვენ კომიტეტის ანგარიშის ფორმა სრულიად მიგელოთ, მაშინ მე 3 მისი გვერდზე ეს ჯამი განაწილებოდა ამ გვარათ:

1. ბიჭების ქირა (ამდენი და ამდენი) 2. ქალღი, კალაში, ბლანკები და სხვა (ამდენი და ამდენი) 3. ფოსტის ხარჯები, ტელეკრამები, სიარული და სხვა (ამდენი) 4. ჯამაგირი მმართველის და სხვა, სულ = 4543 მ. — 68 კ...

აი მაშინ კრებაც გაიგებდა, რაც მას წყუროდა გაეგო და თქვენც ფორმაზე გეკნებოდით შედგენილი ანგარიში; დღეს კი, ნურას უკაცრავათ, ტყუილა გეითითებთ ჩრდილოეთისაკენ, თქვენ იქიდან არავითარი წეს-რიგი არ გადმოგიტა იათ სახელმძღვანელოთ.

მეორე მუხლს ბ-ნ ბახტაძის წერილისას წერეთელი არღვევს ამ სიტყვებით: „უამხანაგოთ ერთათ ერთი კაცი განაგებს ამხანაგობის საქმეებსა, გეარწმუნებს ბ-ნი ბახტაძე, და კაცებათ არა სთვლის არც ხაზინადარს ამხანაგობისას, არც მდივანს და არც ხუთ წევრს სარევიზიო კომ-სიისასო!.. ახლა ეგეც გინდათ დაამტკიცოთ, რომ ვითომც თქვენ მართო არ განაგებდით ამხანაგობის საქმეს და გამგეობაში იღებდენ მონაწილეობას მდივანი, ხაზინადარი, ხუთი კომიტეტის წევრი და ვგონებ მწონაეც კი?!

ერთი ეს გვიბრძანეთ, ბნო წერეთელი, სად გინახავთ და რომელ დაწესებულებაში, რომ მდივანი და ხაზინადარი ითვებოდნენ გამგეობის წევრებათ? ჰო, შეიძლება თქვენ შემოიღეთ ამისთანა წესი, მაგრამ, მეორე მხრით, ვინ არ იცის რომ უფლებიანის უფლებასაც აღარ ცნობილობთ, არა თუ უფლების ზედ მეტა უფლება მიანიჭათ. დაგაიწყდათ განა, რომ წინა კარებში ბრავ მოჩუქრი ამტკაცებდით, — ვინ არის ხაზინადარი, ვინ არის კომიტეტი, — ერთი ერთი მე ვარ გამგე ამხანაგობისა, რადგან ამხანაგობა დამკვიდრებულია ნობაზეო (Т-В0 на Вѣрѣ) და სხვა და სხვა? თუ კომიტეტს რამე ეკისვებოდა და რამე უფლება ჰქონდეს თქვენ ხელში, განა არ უნდა ცოდნოდა მას, რამდენი ფუთი პარკა გაიგზავნა გასაყიდათ სამშღვარ გარეთ? მე ვფიქრობ, თუ კომიტეტი იმ უფლებათ არის აღჭურვილი, რა უფლებაც მას ნოტარიულმა პარკებებმა მიანიჭა და საზოგადო კრებამ, მას მიუცილებლათ უნდა ცოდნოდა არა თუ ის, რამდენი ფუთი პარკა წაიღეთ თქვენ სამშღვარ გარეთ, არამედ თვითონ აწონაზე და ტომრებში ჩაყრაზედაც-კი უნდა დაგსწრებოდათ. გარდა ამისა კომიტეტსეც უნდა გარდაეწყვიტა თქვენი სამშღვარ გარეთ გაგზავნა და ხარჯის რაოდენობაც და არა თქვენ გენარჯათ უანგარიშოთ საზოგადოების ფული. ეს წეს-რიგი არსად არ სუფევს, გარდა ჩვენი ამხანაგობისა.

მიბრძანეთ ახლა, რისა მაქნისა ეს თქვენი კომიტეტი, როცა ისიც-კი არ იცის, რასაკერძეელია თქვენი მიზნებითე, რამდენი ფუთი გასაყირნეთ თქვენ მარხელში გასაყიდათ?

დასასრულ ორიოდ სიტყვა შესახებ კრებების მიწურულში დანიშნისა.

თქვენ ბრძანებთ, რომ ვითომც ბ. ბახტაძემ ტყეილი მოიგონა და მიწურულში კი არა — წლის დამდეგში ინიშნებოდეს კრებები. დასამტკაცებლათ თქვენ ასახელებთ თვეებს, როცა მომხდარა წარსული კრებები. ეს რაღა თვალთმაქცობაა კიდევ? ვითომ და რაღა, ვერ გაიგეთ ბახტაძის სიტყვები, რომ იგი წლის მიწურულზე კი არა, — პარკის ყიდვის დასაწყისს მიწურულზე ამბობს, როცა თქვენ თქვენებურ ხრიკებს ასაღებთ ანგარიშის „ჩასაფუჭებლათ“.

ამაში მაინც გატყდით, ბნო წერეთელი, რომ თქვენ სწორეთ რომ პარკის ყიდვის დაწყების წინ ინიშნავთ კრებებს და, როცა დაჭირდებათ, ხალხს ეუბნებოდით: არიქა, გვიშველეთ, დაამტკიცეთ ანგარიშება ახლავე, დღესეც, თორემ ხელ პარკის ყიდვა დაიწყება და მე ვერ შევძლებ ვაჭრობას, ვერ მოვახერხებ ფულების შოვნას, არ მცალია, იღუპება საქმეო და სხვა. ეს ხმალი ძალიანი მჭრელია თქვენთვის, — პასუხათ ყოველთვის გიყვირიან: „არიქა, დაამტკიცეთ, დაამტკიცეთო, გეჯერა ბატონო რომ მართალია და სხვა“.

ახლა მიბრძანეთ, ვის ეკადრება ამ გვარი საქციელი? ან სად არის მიღებული წესათ, რომ საზოგადო კრებაში განგებ მოაგროვონ მოსამსახურე ბიჭები, მათი მამები, „კომპისიონერები“ და სხვა ამ გვარი მკვირალა პირები იმ მიზნით, რომ მათ გაუგებლათ დაცხონ კიჟინა და ანგარიშები ხალხს დაამტკიცებინ, თანახმათ თქვენი წინადადებისა! განა ამას არ ჯობს, რომ თქვენ როგორც საზოგადო მოღვა-

წე კაცმა (თუ თქვენ ამ გვარ მოღვაწეობის რამეც ცნობათ) დინჯათ დაიკავოთ თავი, მსურველთა შორის, რაც ასახსნელია, მკვირალა ხალხს თავისი ადგილი უჩვენოთ, არ აქეზებდეთ მას და საზოგადოთ კრებებს არ აძლევდეთ პარტიულ ხასიათს? განა ვის არ ესმის რომ თვით საქმე, რომელსაც თქვენ ხელი გვიღიათ, ფრიად სასარგებლოა და ან ის, რომ საქმე, როგორც კეთილი უნდა იყოს, ჯიუტის და უპატიუნოს (თქვენ არ შეგეხებათ) ხელში გლახათ იქცევა. მე განხლდით წარსულ კრებებზე და როცა თქვენ მოკთხოვეს ვრცელი ანგარიში, მაგალითათ, მოგახსენეს, სადგან შედგა ეს მართველობის ხარჯებიო, სულ — 4x43 მ. და 68 კ. თქვენ აპილპოდით და უკუჟინეთ ხალხს: „ესენი განგებ მოსული არიან თქვენ დასაღუპავათო და სხვა“.

ეს საკადრისია განა? ვინ იყო იქ ორატორებთან, რომელთაც თქვენზე ნაკლები სიყვარული მიუძღოდეთ ხალხზე? მის მაგიერათ, რომ თქვენ დაწყურებით ჩამოგეთვალათ ყოველივე სამართველოს ხარჯები და აგენხნათ მათი საქარობა — თქვენ თქვენგან დაქრებულნი კაცები გაუსიანეთ მსურველთ ანგარიშს გაგებისა და თავათ თქვენ ბრანწივით მოქმედი, აღვლევდით ხალხს ამ სიტყვებით: „ესენია ჩვენ რომ გვლუზავენ, ამოიღეთ ხმა (უნდა გვეგული-სხმა: იკრივეთო) და სხვა... ხალხი ააღვლევთ იმდენათ, რომ საქალაოკოთ შედგა საქმე და თავმჯდომარეს რომ კრება არ დაეხურა, მიუცილებლათ თქვენი „კლევრეტები“ შეუტაცყოფას მიაყენებდნენ მას და სხვებსაც. ეს მთლათ თქვენი ბრალია ბ. მმართველო, და დღეს კი ბრძანებთ „მიბრძანდით დაეთრების სანახავათ, კარები ღიათ არისო და სხვა“.

ერთი რომ მეორე დღესეც შემდეგ კრებისა რამდენიმე პირმა ნოტარიუსი გამოგიგზავნათ და გთხოვათ, რომ ოთხი კაცისათვის მიგეცათ ნება დაეთრების გადათვლიერებისა, — თქვენ უარი განაცხადეთ; ახლა კი ბრძანებთ — მიბრძანდით, კარები ღიათ არისო. ვის ატყუებთ ამგვარი დაგვიანებული მიპატიებით? და ან კიდევ რომ გამოჩნდეს ამისთანა სულელი, ჯერ რა უნდა გააკეთოს და მერე განა პაღურის ცემით არ გამოაგდებთ გარეთ?

შემო მოყვანილიდან თქვენც მიხედვით, ბნო წერეთელი, რომ თქვენი „ტალიონობა“ იმ გვარი არაა, რომ სხვებისთვის გაუგებარი დარჩეს. ვინა ხართ თქვენ და სად მიიღტვის თქვენი გულის თქმა — კარგათ ვიცით, და არა თუ ჩვენ, ის უბრალო ხალხიც კი, რომელიც თქვენ თვალ ამბული გგონიათ, აღარ სცდება თქვენ ვინაობაზე. გწონიან, გაფასებენ და გულ ახლილათ აღიარებენ თავის განაჩენს! ამასაც მოგახსენებენ, რომ თქვენისთანა ცხერის ტყავში განვეუ-ლი „საზოგადო მოღვაწეები“ წინეთაც ჰყოლიათ ხო-ელებს (ერთი მათგანი ხომ ახლაც გიღვიათ გვერდით), მაგრამ მათი ნამდვილი ბუნება და მიმართულება გამოაშკარავებულა თავის დროზე. ბევრი მათგანი გახუნდა და თითათ საჩვენებელი შეიქნა საზოგადოების თვალში. ენახათ, თქვენ რა მოგელით — ეს კი იცოდეთ მხოლოთ, არ ყოფილა ჯერ ბნელი რომ სინათლეს იგი არ გაეფანტას.

ერთი წევრთაგანი „მკარკემკეთა პირველ ამხანაგობისა“.

ხონი 1899 წ. სექტემბრის 15 დღეს.

რედაქტორ-გამომცემელი ან. თ. - წერეთლისა.